


5237.8/7922(5)  
c.2

近代詩鈔

五







近代詩鈔

徐子苓

子苓字西叔安徽合肥人□□□□舉人官教諭有敦  
良吉齋詩存

石遺室詩話西叔先生以詩古文詞爲江忠烈曾文正  
二公所賞識仁和譚仲修選其詩與同邑戴子瑞家麟  
王伯垣尙辰所作爲合肥三家實則戴不如王王不如  
徐徐於文尤勝於詩也

田氏園夜坐懷嘯公

滅燭聽鴻過數聲霄漢閒鑪香釀花氣窗月浸盆山好句斷中  
續奇文愛處刪欲尋林道語多恐掩柴關

饑婦詞

近代詩鈔

徐子苓



枯糲嬉春風雌雄相對飛啄蟲不自食哺子桑樹枝桑枝青婀娜黃口日以肥同生堯舜世我獨非烝黎輿夫夜在門月瘦燈光低嬌兒故憨跳索乳懷中啼亦知就乖張且復相抱持抱持聲暗吞去去天一涯淫水屢降割誰道皇穹慈母在兒共死母去耶不饑牀頭絮敗襠架有青臂衣眠食順耶意冷暖毋嬌嬉地下卽黃泉見汝當有期毋爲苦相憶掩泣從此辭

中秋後十日夜書嘯和尚水災詩後

貂衣肉食何爲者荒山老僧淚盈把手持一編要我讀白日銜山繼以燭檐花熒熒燭花綠前篇水災詩後篇水災詩中篇棄婦鬻兒詞雲愁雷歎天爲悲僧也學佛斷頭髮禿頂童童盡成雪錦囊一串鮫人珠胸中磊塊眼中血桑門事鬼言多誣僧也獨與羣髡殊殺青試寫千萬本持問中朝賢士夫

盱山試玻璃泉贈韓俊民

金鼇百尺勢崢嶸雲影泉光結伴行我似雲飛無定所君如泉水在山清依人轉覺他鄉好懷古誰知逝者情後之視今今視昔不妨高處共題名

夜坐酬韓山人

風息空光定夜色在庭樹寒鐘將雁聲宛轉自來去山人念清暉歎歎道中素新知豈不樂但焉思親故

漕川薛氏樓夜坐二首

時泗州許生書來  
爲睢陵之行

高齋敞夜色屋角星可數蟲聲排戶來淒清共誰語征鴻飛且鳴似說雲路苦故園秋海棠別來纔幾許零落塵土中誰人憐惜汝

久客脫風沙頗樂青燈味河漢澹不收几案生秋氣大江噫餘



怒虛濤落檐際春色無端來燈頭一花膩俯仰惜徂年拂衣余  
將逝

畫松歌送吳引之還巢湖

江北久無畫松手作者昔數留晉江盛名早時動海外晚年流  
落偏佯狂日抱長松換米喫枯根敗鬣愁荒唐餘技兼能寫風  
雨到今尺素垂琳瑯昨見宋家兩株樹張在蘆簾最深處一樹  
拔地生狻猊一樹盤攫蛟龍垂波濤颯沓涼風颺使我坐久看  
移時晉江畫松得松骨此筆韻遠將過之廬陽城中一尺雪昨  
夜吳生幾凍殺扁舟襍被意態雄歸帆笑指巢湖東便好相從  
理釣篷四頂山前楓葉紅

餉軍瓶梅花歌懷韓山人

上銳下削長徑尺腹大耳鼓色微黑多年老窰火氣退蓄水猶

能助花力此瓶得自韓山人山人贈我長淮濱騅亡姬列三戶  
盡劫灰屢換瓶獨存薦之檀牀素馮几伴以玉滴瘿木尊狂花  
膩葉入采擷案頭留得吾家春敝帚自貴金自賤此瓶費殺豪  
家羨一從我自徐州歸數年不見山人面王家園裏好梅花拗  
來不問橫與斜空梁沈沈月漸落每聞翠羽長咨嗟重簾昨被  
風吹透凍裏一枝開更秀金鴨香溫更漏稀草堂門掩燈如豆  
翫遺芳軒曉起卽事

穉子折花至枝長花更馨小鬟汲金井引水注銅瓶殘月白辭  
樹修篁青滿櫺道書行可把不羨子雲亭

冬晚同子固飲酒

歲宴人事艱百貨日翔貴今宵一斗春君向誰家貫城中十日  
雪流民凍俱斃卽此觴豆微了卻數口費粵南早瘡痍江東又



烽燧假君席前箸請君畫大計勿謂肉食鄙建豎本不易油燈  
凍虛壁朔風吼平地已矣復何言浩歌徑成醉

懷高隱居姥山

高生性谿刻清苦似桃椎逕自將妻去常聞數米炊觀巖忘反  
駕徂歲繫相思便弄焦門棹拏舟一問之

早春

早春殘雪在春意靜中知鳥路紅將闌魚牀綠漸滋攤書欣日  
煖枕石愛雲遲吟罷攀庭樹因之感別離

白衣菴哭問渠

燕臺飢魄慘風烟直下黃河浪拍天歸櫬無家依古佛寡妻抱  
子設齋筵絕交久已聞劉峻故里馮誰葬董傳同是中郎門下  
士新詩和淚寄重泉

楚澤樓懷古

魚行不見水馬行不見風大哉堯舜民不知岳牧功斯樓近千  
載過者生敬恭朝廷樹耆舊百爾秉公忠前有范希文後有司  
馬公至今湖堧民猶憶天章翁我來屬春仲四野何童童洪波  
亞高壩蕭瑟人烟空世無神禹手誰挽萬壑東尙須慈靜吏坐  
致桑麻豐

臘月廿四日遣鄭僕往周雲先家迎吳四引之二首

莫作貧家僕貧家僕最難可憐風雪緊短褐故單寒送汝出門  
去梅花開正闌沿溪好攀折留供主人看

轉過青山脚塘梢帶遠村言尋吳道子試叩孝侯門晚飯紅豛  
細匡牀稻草溫儻然訊近狀道我舌猶存

到京簡潘四舍人兼送什物



黃鵠翔九霄徘徊念其羣延平雙神劍會合通風雲而况吾黨  
士齒宿意常新長安勢利交古道今不存愛君風領殊感君氣  
誼敦奉貽不腆資聊以致懃懃皋城產名茶古味煙霞鄰與君  
作午飲退食有餘芬光明萬字紗白地無邪紋與君作中衣健  
茲梁棟身摺扇來南中製比蒲葵珍願君揚仁風利見當良辰  
粉署接天語撰作須龍賓贈子以二妙外元中含醇願君濡大  
筆吐氣摩乾坤典則歸一家藻采輝千春毋徒注蟲魚耗損壯  
夫神柴車苦勞頓腰痛脛不伸部牒須急投灑掃還自親遙望  
南橫街玉鏡磨新痕暇卽跨驢過讀君新著文

羅漢寺尋黃山人索畫不值因憇亡友嘯公精舍愴然有  
作留簡山人

月轉禪扉老樹斜石幢薜萄影交加一龕西竺高賢像數筆南

唐院本花淒切誰家鳴夜笛蒼茫隻履隔天涯懸知白髮逃禪  
客醉倒城東賣酒家

後苦雨五首

錄一

東風雨不止北風雨不止信是南風惡將晴雨又駛嚮晨一婦  
哭哀音答流水云有七歲兒願易數炊米于時有陳公貸錢歸  
其子陳公者誰何屠酤細民耳陳名順匹夫偶慕義仁風動鄉里  
我歌不忍長恐增士夫恥

客春識戴君存莊於京師君爲方先生植之高弟冬孟余  
赴九江道桐城因戴君得交方君存之蘇君厚子桐城  
爲文章氣誼之地獨三士云乎哉而三君者則皆出於  
方先生之門余孤蠢晚學流落江湖閒念先民之既徂  
慨離羣之多故詩以代簡時仲冬下澣歸自皖江



桐城有三士北行得存莊受經考槃翁捫腹鏗琳瑯吐詞如太  
阿神鋒無鈍芒渥注多名駒梁水多巨魴磁石能引鍼匠門工  
必良揚舲指江水問道龍眠陽傾蓋得佳士空谷幽蘭芳方君  
既秀出蘇子亦老蒼盧鄭本一師籍湜猶輩行國朝盛文運方  
劉高激昂麻溪守義法力挽奔波狂古道日彫謝末俗須扶匡  
匡廬碧無盡皖水孤帆長名山與勝友風雨交離腸械詞付黃  
鵠爲我西南翔

早發鎮江

水宿無厚繇江聲寒到骨舟師夜中起解纜踏殘雪遠征歸興  
翩孤吟酒思渴靜觀抱龍虎丹臺炯如月窮塗事多梗勞生及  
瑣屑未窮北固勝頻欠中冷啜寂歷沙雁鳴寒鐘助淒咽

廬陽夜捷行贈江使君達川

使君爲中丞介弟中丞死於廬州之難戰守大略余別  
有記頃者官軍收復郡城兩大帥加官晉爵於時使君  
固請去而郡人士感銘前勞於城復之後六日相率麻  
衣首經會祭中丞於郡之潛山廟中既卒奠使君前謝  
客相向而哭余郡人也今昔見聞之際有難言者因事

命篇卽贈

廬陽夜捷烈炬紅露布連奏甘泉宮使君兵聲冠諸將輕裘緩  
帶殊雍容記昔曾在圍城中挾策兩謁中丞公中丞英偉人中  
龍使君眉宇春融融指麾綽有中丞風牙旗深處展高宴橙香  
螳綠霜螯健野人喜極悲倒來曉柝深杯淚如霰君不見荒城  
蕩蕩跡如掃縱橫瓦礫居民少髑髏滿地生青草君不見壺漿  
士女泣垂面愛說中丞舊時戰張巡死去賀蘭生痛殺潛山廟



中奠驃騎連宵拜新命漢廷不惜通侯印使君愛逐赤松游脊  
令原畔牽歸興爲君高歌歌斷絕悲笳吹落林閒月

除夕前一日醉起呈江使君時使君以歲晏享士虛其左  
西向以薦中丞之靈旣畢奠使君揖余就賓位曰君先  
兄故人狀相若齒相埒也見君如見吾先兄矣余之識  
中丞以陳池州池州之死久而未明而其弟畢凡千里  
來尋兄骨又久而未至俛仰悲懷轟飲極醉不覺失聲  
哭率成二首呈使君兼留遲畢凡

虎帳森嚴忝上賓座中靈爽動星辰無端慟哭干戎禁多媿將  
軍怒酒人信國千秋青史在荆卿四座白衣新醉時錯認西臺  
路朱鳥歌終倍愴神

老向風塵賦八哀池州儒雅濟時才並時巡遠宜同傳入洛機

雲久未來數載兵戈知己盡百年懷抱對君開天涯明夕同除  
夕好挽長河注酒杯

會城歎贈汪果

君浙江嘉興人工書

昔者君來時會城峙皖江今者君來時會城寄廬陽廬陽但空  
城黃蒿過人長皖垣棄不收白日鳴豺狼我生幸再更畢逋山  
谷藏與君別廿年音書隔車航昨勞走伴問溝瀆銜末光相逢  
一驚喜仰視蒼天蒼憶昔全盛日軒車同頡頏于時值孟冬狐  
裘君馬黃置酒臨江亭醉挹天柱光熙平富文物萬艘齊帆檣  
節樓擁高戟曲巷羅仙倡南金謀善州北珠媚後房梁鴻方少  
年潛行歌慨慷繁華一朝盡鐵馬荆榛荒賊王與賊帥笑踞中  
丞堂沿門唄耶蘇拘囚到紅妝竊聞初陷時刳人如豬羊所嗟  
萋宏血不到清水塘肥東穩行臺四閱冰與霜喪馬求林中殪



豁委道旁驃騎素貴通僚吏工趨踰峨冠嵌珊瑚列燕惟金張  
逢掖一老儒袖短衣郎當長揖公卿閒旁人笑疏狂蹶張諸健  
兒誰解師鍾王君家好山水白首胡栖皇彈劍對尊酒月落悲  
茫茫

移家自賀

自我居雙山荏苒六寒暑忘形到樵牧相過共雞黍世亂俗盡  
偷壤瘠風尚古仄處不嫌陋愛茲衆峰嫵牆東有廢宅人棄我  
獨取斂錢藉素交助力仗鄰圃經營始仲春移家屈重午因倚  
置講堂約略具環堵長物一木牀足斷背旁俛殘編出秦火斑  
爛劫痕苦無扉暫安簾有竈足支釜籬隨山勢編竹待秋來補  
乾坤正反仄中衢鬪豺虎擬備釣魚舟江淮路頻阻自號贅瘤  
人暫作煙霞主清晨有客來晴光動巖戶懽然倒酒尊梁燕欣

對語舉酒酌飛燕我生殊羨汝秋去春復來汝身有毛羽

葛家觜飲酒卽事短述奉貽相公兼別山中舊游二首

葛家觜爲方山支麓咸豐四年余避兵家此八年秋廬  
州再陷山中迭苦賊去年冬今相公以兩江總督進復  
安慶余挈家出遊遂依焉今年余來山中瀕行隣人置  
酒道別村曲語言猥雜無文要其述德戒行是可歌也  
時同治元年秋九月廿三日夜

草棚馮長溪靄靄西日光老農閑遊子置酒瓜蔓旁鄰曲歡笑  
言真氣溢壺漿老婦調魚羹老翁趣行觴酒闌說相公舉手屬  
穹蒼自從相公來皇天屢降祥方春拔廬州旣夏甘霖翔豕豚  
亦已肥鵝鴨皆成行信是相公力秋禾早登場君從皖江來相  
門長趨踰相公本天人見說鬚鬢長相公飯幾何頭髮應未蒼



皇天憐我曹相公長壽康庶幾長子孫勦力事耕桑

飲罷山月高犬吠喧溪流有客負薪來棗栗歡相投移尊就茗  
磯咄嗟倒盆甌笑指溪上月今秋勝去秋去秋苦賊來吞聲共  
潛遊今秋君好歸憶我采樵不富貴亦多門時來便公侯君歸  
旋復行僕僕將焉求貞女懷閨冰老狐思舊邱吾衰心力短衣  
食殊拙謀相公禮數寬滄海容一鷗低迷竊廩祿內檢常自尤  
中原莽豺虎孤兒泣松楸去去勿重陳歸夢東山頭

將赴皖守風湖干伯昭書來道其同江方伯有四川之行

亟圖面遂舍舟而陸塗閒寄伯昭兼陳方伯時同治二  
年冬十一月是夕宿集賢閣

首塗問晴湖尺書忽飛至披函疾讀之慘澹數行字上言之巴  
蜀崎嶇報高誼下言見面難雲颿故相遲磬磬方伯公屏藩軫

彫敝幕府羅俊英君材優衆器至寶落蠶叢雲山况迢遞矢言  
定重逢重逢究何地倚裝夢容暉寒檠一星翳

年少輕別離老去苦憂患每聞傷心語掩耳輒腸斷君言劇酸  
哽我心久零亂進帆怯風濤奮飛惜羽翰舍舟覓巾車嚴霜夜  
中飯睽睽缺月光錯道天已旦孤鴻爾何悲雲端切相喚行行  
辨遙村殘雪路迷漫袖中一札書展轉風檐看

鮮民寡弟兄姓名託朋友醇風歎久澆雞狗誓何有異時同志  
人零落骨俱朽與君晚結交傾懷期皓首君亮箴我頑我幽藉  
君剖嘯歌戎馬中真氣驚北斗亭亭滄江雲颿颿長亭柳柳枯  
猶復春雲飛不可肘再拜祝石尤待我餞尊酒

晨經古戰場廢壘倚突兀早日如車輪迴風動精魄憶昔方伯

公風雪此除夕

廬州三河鎮爲皖中孔道咸豐五年冬方伯駐營河右

連營列旆高明燈



爛長戟我時倚醉歌熊羆動顏色屢蒙禮數寬曾賦河梁別公  
來何太遲公行何太疾自媿受恩偏舊是睢陽客無物送公行  
沈吟淚成血

廬陽去皖江三百六十里皖江望成都千山復萬水我行日兼  
程相隔幸尺咫大龍橫遙空澄光互青紫登高睇長江英雄都  
已矣羊公儒將姿叔度天下士吾衰失兩賢悲歌向誰是低徊  
宿嚴關憂來不能已長吟輟粥饘短吟倒坐起長吟復短吟人  
生感知已

贈方處士希孟兼寄馮觀察

君才真倍我寄食向旃檀得句有神助借書同佛看雲霄千古  
志蘆被一春寒聞道吳廷尉平生喜薦賢

病中送王紫垣之徐州戎幕余亦反東山田舍

病久忘春盡鶯啼花亂飛夾淮新戰壘送老舊蓑衣西楚徵兵  
疾東林訪舊稀昨宵筵上月兩地共晴輝

買牛

我居賊早燔我羊賊盡屠我歸耕無牛東作宜早圖黽勉倒囊  
橐借貸供錙銖維時月孟春曉日明村墟田夥掉長鞦鄰父爲  
前驅我牛龐然來歡聲動門閭蹇裳走相迓挂額紅流蘇老嫗  
喜牛來隔牆送新芻小奴喜牛來負鍤忙糞除鄰里相聚觀道  
牛骨相殊短角絕有力天壽懸歧胡歧胡信壽徵足以慰老儒



近代詩鈔

王尙辰

尙辰字伯垣安徽合肥人口口舉人官典簿有遺園詩  
花下

記得尋芳二月時辛夷開盡柳如絲而今事事居人後花木逢  
春也覺遲

月夜懷裘小華京師

明月不常得清光飛上天與君千里共遲我一宵眠顧影憐知  
已揮杯醉隔年人生有聚散莫怨別時圓

雨後飯太白樓觀蕭尺木畫壁散步家大人韻

神湫浩蕩下岷嶓風雨蒼茫醉放歌明月初更飛海嶠危樓一  
角拗江波橫空畫壁真無敵異代狂名共不磨咫尺青山思小

近代詩鈔

王尙辰

一



謝笛聲吹起古愁多

重至臨淮旅舍題壁

一曲驪歌踏軟塵故園小別已兼旬  
宵來欲作還鄉夢淮水無情又送人

荻港弔黃靖南

櫂聲搖夢斷問境到繁昌  
江市人煙聚山祠草木荒  
時危乘闇主事去殉殘疆  
咫尺巢湖水英魂識故鄉

過吳菊坡丈故居

羅雀山房久無主隔巷鄰雞猶報午  
輞川無復裴廸來斛斯不訪城南杜  
昔年共取北窗涼箕踞胡牀話  
今古老翁化鶴竟不歸至今蛛網懸門戶  
長蕉瘦柳尙依然暮蟬聲聲淚如雨

醉歌行

昨日落花今日塵攜糧負薪徒苦辛  
黃河難清馬難角富貴不來吾有身  
若待金盆始濯足垢污應同陰子春  
聽音飲酒須鍼神賣禱不顧妻孥  
嗔夏侯簾底女奴出公孫門內糟封  
新深杯急盞示真率傳旂播燾何紛綸  
曼聲大徧涼州徹雄竹半夜蒼龍震  
纖兒寢櫃偏厭聞魁樞挽歌愁殺人

清明

麥飯家家已薦新荒丘咫尺隔煙塵  
梨花柳絮無顏色不信今年尙有春

月夜登松風閣懷復堂

雪霽意更適園荒氣彌迥孤鴻唳長征  
羣雅栖未醒宿霧漲南湖凍雲結西嶺  
月出萬緣寂閣小一燈炯幽篁自搖風  
殘菊猶弄影閒中耽冷趣此境共誰領  
偶憶素心人宴坐虛堂靜寒疾



不可風未敢遽造請勢交多險巇勞生等贅癭繞徑行復卻據  
石吟還哽昨枉魯遽篇語妙味更永浩歌獨忘眠清光圓到頂

近代詩鈔

戴家麟

家麟字子瑞安徽合肥人口口口舉人官學博有劫餘  
軒詩

月夜歸湖干山莊

野徑柴車日往還白雲常爲護松關碁枰對酒二三友茅屋臨  
湖八九間難得人歸共明月不須錢買是青山藏書幾卷無征  
稅暮夜追呼意自閒

舟行將抵符離有歸志感賦

晚渡淮流倚棹清照人頭白荻花明帆斜轉幸饒風力路近猶  
頻問水程經藝卻慚蘇教授靈光空負魯諸生欲圖歸計還惆  
悵也似離鄉動別情

近代詩鈔

戴家麟



三汊河晚宿

水漲河干稻正香  
居人挽宿解行裝  
雲邊雁叫湖光白  
邨外牛歸樹色黃  
兀坐待看明月上  
欲眠還愛野風涼  
明朝又作營營去  
且自今宵穩睡鄉

近代詩鈔

楊 峴

字見山號庸齋浙江歸安人舉人有遲鴻軒詩集

題沈公周題詩稿後

虞陽逢瘦沈今之杜浣花交余詩是介輸爾古爲家爽氣洗山  
綠奇懷獵天葩篋中富新製讀罷癢同爬

寓齋外野冢

貧餘歸葬少亂後上墳稀烽火驚魂竄川原戰血肥暮雲聞鬼  
哭落日見烏飛作客樓頭者頻番淚濕衣



近代詩鈔

鄧輔綸

輔綸字彌之湖南武岡人咸豐辛亥副貢生官浙江候補道有白香亭詩集

石遺室詩話彌之詩全學選體多擬古之作湘潭王壬秋以爲一時罕有其匹蓋與之笙磬同音也但微覺千篇一律耳茲選其較有力量與興味者第三卷全係和陶亦鈔一首以概其餘

松桃決

皇帝元年秋松桃中夜決天吳走告警人神共嗚咽量計所摧隄百八十丈裂翻踏龍蛇蟄蕩徙蛟鼉窟潰勢激雷電奔情壓溟渤淹覆數州震洑洞四郊沸老樹立亂流驚沙送冤魄我讀

近代詩鈔

鄧輔綸

一



河渠書壅水非善術況聞塞宣房功不償所出世事極翻騰朕  
兆由蟻穴苟不厲鯨誅何以收覆轍河伯爾水官公侯視禮秩  
鯨鯢我民人論律罪當桀天王卽仁宥神豈吐牲玉頻年動堯  
咨彗星見兩粵白骨填瘴海空聞命禹翳水賊又蠢動絕島阻  
巖嶮松桃趾相錯蒿日赤野闕內帑傾百萬豈足枯髓活跳梁  
氣益橫菹醢盡窮孽清時忍爲非寒餒迫倉卒司農拙理財藩  
鎮對蹙額上懼主戮嚴下懼民望缺凌險亟川梁淚與洪濤溢

書事

都邑冠蓋喧車馬絡繹逢不知何官府驅役疲村農答云參軍  
來馳傳稱從戎大帥擁虛權握旆如盲童生殺惟參軍下邑敢  
不供相公固仁賢曲廉節小忠諱敗豈國體賞罰非至公雖坐  
罷輒廢蒙澤故爾隆薏苡不自明賓從皆莫從悲哉請纓子功

名誰與同

永安雖云失我搯其咽喉剗壕插戰格連營環罷貅兵合貴一  
心師克在伐謀固壘斷寇糧甲兵庶可休奈何失大計軍中自  
相讐拔圍猝未定輕發古所尤挺鹿奪險走脫兔不可求誰謂  
將軍賢徒死爲國憂旣殊張韓智已矣無良籌

全州擅雄富鎡貨饒精英虜來寇我邑鐵騎忽縱橫嬰城十日  
守巷哭多死聲其破如摧枯軍敗貴自明十室九斷頭廣野狐  
哀鳴黃口尙遭屠何況吏與兵同時有義俠奉檄將長征假道  
因請留赴難恥獨生丁從四五百奮身殉王城雖慙睢陽烈慷  
慨慕田橫蕭蕭白楊下薤露傷我情

使君擁戈甲徘徊南陌頭問君欲何之將爲退守謀扣馬前致  
辭使君毋夷猶天子倚使君控帶藩上游南人倚使君卵翼翦



我仇諸將倚使君登壇陳俘囚請採狂夫言迴旆擒渠酋下慰  
父老請上紆宵旰憂防關已踰歲師集曷少留大旂一搖足萬  
恨填東流坐移重鎮地蕩遷成榛邱柳桂數陷亂豺虎橫道周  
咨且闇進退失路將誰尤

虜從永明來勁騎未踰百如何數州地不聞接鋒鏑豈無舊屯  
練棄險多不扼遂令長沙城復踐戎馬迹哀爾南村民依城爲  
鐵壁上官務寧靜不得聽遷辟倉皇賊掩至閉關遂永隔痛哭  
阻絕勿谿谷填冤魄妙高文翁肆雲麓紫陽宅黃巾亂儒服闕  
里廬盜跖賜書燼羸火講樹遺宋厄岫嶺與雲麾摧頽臥蘇碧  
廣庭裸粉黛白刃膏嬰赤頗聞賊中令犒捷用巾幗天道醉未  
醒禽獸日充斥諸將但壁觀何顏擁旄戟

緣涉捷猱升梯衢頰燕舞狡逾三窟兔黠類穿墉鼠虜情諒非  
一譎狀難僕數陣守倦鎧鋌甕聽窮辨覩重以鏹壕役羣響雜  
邪許師曠難爲聰奮雷陷軸柱廣長七丈裂石隕逐崩土維時  
虜蠡至颯沓騰風雨倉卒垂破間驚唬徧千戶須臾成空巷強  
半登鬼簿賴有我鄧侯極力相撐拄震吼一當百挺身立死所  
破敵先斬旂餘虜氣始沮賊挾衆多勢駢連殊死拒弓不及應  
弦矢不及張弩用智如快火急難事更舉百鈞擲焦銅兵氣銷  
一炬築壘扶頽堞彼軍服神武三歎頌微管君侯果活汝斯人  
得專閫庶以甯吾圉

近得南雁書頗悉河西事河西多兵革開緘一灑淚往者賊乏  
糧就粟因掠地是鄉禾正熟刈奪無遺穗斷水使激流輸挽資  
輕利浮橋恣往來公然擁糗糒徒聞賁育將陷堅用單騎孤入  
絕勁援以茲數奔潰從來射生士養虎有深意兵賊互相尋賊



去兵得恣齟齬畏覆巢格殺懼吏議師律嚴秋毫國典不應墜  
嗚呼筐篚資織悉窮閭備干戈餘殘喘何心事煩費近郭尙橫  
行遠邑足酸鼻再咏留花門民生日凋瘁

石鐘山謁昭忠祠

靈構高下殊異石參差見險鑿道忘峻勢曲徑迷轉百尺下冥  
會萬竅中貫穿雲竇倒疑空天樂聽來變齒齒遠雉銜鱗鱗素  
波旋江湖成二色花竹無一欠北逝瓴淮流南首衿楚甸五年  
淪氛濁一旦澄組練精靈森不泯陰濤怒猶戰功多遺部曲義  
豈專纓弁不有國殤申孰識皇恩徧他方苦征伐白骨誰澆奠  
似爾鬼尙雄餘人命真賤人煙眇蕭條臺觀虛凌緬悵往感橫  
集睠茲泚在面古來足艱難事每泥尺寸既膠泮蹄淺安知魚  
服困時乎苟未會歸哉且游衍

經田家鎮望塔忠武羅忠節戰處下見居人臨流結廬植

籬種薯意甚樂之

大江去浩蕩斯人向千載幹濟自一時豪雄復誰在沮溺耦而  
耕師襄入於海山阿有茅屋薯芋行可采棘籬閒戲犢寒潭潔  
游鮪居足易安便在己非有待寢邱庇子孫蓬筆當爽塏丹穴  
願終潛迷途庶無悔

過岳陽追酬王壬秋

闕 運

巴陵城樓題壁

江山暮淒凝西暉亦未滅登樓余何思天末下微葉懷人阻輕  
駕芳翰悚驚瞥弄珠淒漢游寒蘭感湘別卽事惜睽攜舉目異  
徂轍情隨沅澧深形滯江山隔洞庭信周險南服資控扼浹渚  
自靡涯升涸恆依節流止貌涵鑒盈虛幾時哲羣鷗浴和風權  
女泝歸月寸心澹無競千里平不竭歲晚淹桂舟蘅蕪猶可掇



追和吳孝廉

敏樹

韻題張力臣觀察

自牧

壬申遊嶽麓山

圖

凌虛百尺樸空翠

翠園有樓曰凌虛可眺嶽麓

呼船欲渡波銜山舊游隔歲

已陳迹捫憶歷歷如追攀玉泉林壑那可畫寫此徑欲煩荆關  
張侯愛客盡豪翰雲氣隱起胸懷間佛日共窮道林勝捨舟緣  
徑重摩肩仰穿楓杉出縹緲秋毫倒鏡瀟湘天沙渚縈繚碎莫  
辨啜茗且試蒙源泉下睨微塵擾蟬蟻精廬峭絕誰安禪生不  
珪組貴快意日逐清景堪長年登龍躡虎頗自壯翻江徙嶽置  
我前津頭颿影帶潮去松頂鴉翅搏風旋不有新圖識泥爪將  
從變滅隨颿煙前游後游迭嘲咏珍重示我還悽然物色徒留  
少陵句彈指已失拌湖仙

吳以癸酉八月化去距去年錢春之游甫歲餘耳

及今詩酒

耐驅使差幸屐履還輕便何當從公醉絕壁開窗一笑雲中眠

述德抒情一百韻敬酬張文心刺史

憲和

卽送其解任旋

長沙

大賢不易測牛刀掩經綸十載肺腑契乃今得其真棠陰何藹  
藹裘度何申申不鄙巖邑陋轉歎民風淳攝牧甫逾歲報最足  
千春惟良二千石所治於民親循吏如偃草酷吏如束薪誰階  
戶口厲釐汰仍逡巡誰貽兵米戚唱闐塞堂闔善政邈難繼涼  
法恆相因民怨雖在口天高疇敢陳孰肯迴干旌翻然動咨詢  
恭惟下車治虛己康時屯從善如轉圜痼瘼猶一身退思時閉  
閫如傷每書紳何以弭雀鼠皎鏡懸秋晨何以息侵誣披霧開  
朝昕何以使農勸斂輸必平均何以戢衿佻矩矱崇先民煌煌  
萬古式一一垂貞珉精廬富書史聖域祛蕪榛野無萋楚謠泮  
有藻與芹豈惟毗俗厚要由臣心純寧甘拙宦目不逐俗吏踈

近代詩鈔

鄧輔綸

五



寧遭餓隸罵不令赤子嗔庶類納惻隱親交飲真醇偃室絕微  
徑蕃榻接芳茵以余愧庸薄壯志空嶙峋弱冠貢京師吐句鏗  
韶鈞名字動游俠聲譽傾平津抵掌取卿將摩劍鋤狃秦如何  
丁百六咫尺昏塵氛干將誤一躍寶氣翻沈淪蒼茫墮浩劫微  
軀奮遄迤捧土塞橫流張臂當奔輪狼狽出坎險投効臥湘濱  
拳佩怨香草銜哀送靈椿庭構惕弗荷國憤恥未申惻悲六龍  
狩徒愴蟣蝨臣回首叫蒼梧夢想馳紫宸顧慙魏王瓠彌耽張  
翰萼時騎下澤馬懶理香湖緡往者桂林遊謬充諸侯賓良惡  
主人厚長捐安吾貧馳日送飛鴻野性殊難馴草玄晚莫就撫  
髀日酸辛伏聞訓政初實收補袞勛羽翼資親賢參錯秉國鈞  
房幃肅政令垂拱清紘夤薄海頌中興聖德躋清寅加冠遂還  
政謳歌歸至尊內務亟進奉司農諍大婚采帛若雲霞椒壁塗

金銀避炎苦無地離黍悲淀園將營兩宮養終鑒阿房焚賢王  
伏青蒲言路未宜湮千金不垂堂萬乘豈游巡驂從遠刑餘淵  
居珍笑嘖金石匪常餌鳩毒叢斧斤國讖雖近妖堅冰詎無因  
天地再崩圻日月重光新嗣統得儲皇醜恩浩無垠惟余嬰沈  
痼已矣謝陶甄臣朔道龍蛇尼父泣麒麟否泰迭倚伏剝復難  
具論曠懷隨卷舒與世無緇磷古人敬桑梓吾亦戀榆枌鄙桑  
盛徵述漢明啓雄藩聲靈既同軌山川益昭分止戈二百年鼙  
鼓東南震彈丸屹然壯綢繆亦已勤敢侈墨氏守猶憶江家軍  
艱難紆籌畫呼吸賴圖存楹書可世守先疇帶經耘窮居寡儔  
侶友于自墟斲耦耕耨耒歎伐檀俟河澹幸沐府主賢況霑置  
醴頻忍同寒蟬默願廣騶虞仁河嵩集捐撮沙石攻玃珣三德  
剛克柔四科政先文寶刀貴一割治絲乃不勞營州始新學出



入勤摩循上察首立信胥吏如偶人清獻君鄉里冰操殊常倫  
尙友得數子良牧稱明神禮樂缺有間絃歌響然臻大哉洙泗  
源導法逮濂閩寥寥晦千祀悠悠誰問津登城更懷古孤亭迴  
無鄰州人惜君之去爲建去思重岨鬱佳氣芳風涵流蘋于仁  
潘應悲異代吳謙許宗齊休聞二君皆國朝刺何路鳴大府騰  
章留使君魂銷畏壘祝淚墮清渠濱君心與資流千載無纖塵  
贈言義不薄聖軌宜祇遵勉爲嚆矢導稍佐笙球振松柏期共  
保柱石君自珍軒車來何時祖帳如浮雲摩挲遺愛碣不隨荒  
煙泯壺漿莫我慰蘭芷爲誰芬

高生行爲陳右銘廉訪題所藏高伯足刺史爲李眉生廉

訪手書詩冊

高生才名滿京國腕底銀鈎人藉藉玉堂論思要豪翰金殿臚

句偏被抑新詩潦倒作細字眉州咨嗟動顏色豈知輦轂風塵

昏十幅琅玕轉輕擲干戈慘澹龍在野球圖零落鳳棲棘伯足此冊

書於咸豐庚申七月未幾京師卽有英夷之變名章俊筆安足豪重是故人手跡李

侯偶遺公取之有如楚弓還楚得令我一見眼暫明廿年酸辛

苦相憶忽思少時雙頰紅筆干氣象盾磨墨數奇不侯固其命

才高棄外真可惜平生意氣何激昂卽今身世兩逼側還君此

帙淚橫臆

將返江南率成四十韻留別仙屏河帥王仲培維翰糧儲

吳次瀟炳湘仲儀重憲兩觀察暨河署幕僚兼柬汁中

年世戚舊鄉里諸君子

嵩之山崇崇河之水浮浮壯哉高李後復茲梁宋游我登虛左  
亭渺然生古愁爲問上東門尙有侯生不繁臺管吹歇鴈池榛



燕稠四顧惟平原千里起寒飈  
倦仰一寄慨天地長悠悠中都  
昔全盛端冕朝九州宋社倏已  
屋汴渠爲不流良獄臥荆棘冬  
青啼鵙鷓況更明季亂再罹  
泝水憂高岸竟陸沈舉城生魚  
頭膏沃變斥鹵草木無春秋到  
今王氣盡無復園竹修道阻虞  
伏莽泥深苦無溝馮公倦彈鋏  
蘇子嗟敝裘自非地主賢誰爲  
行旅謀乘興遂命駕涉淮泛輕  
舟州邑聞我來輿從導前騶賓  
朋聞我來觴詠遞酢酬鄉里聞  
我來桃瓊各有投新知聞我來  
問遺勞遠郵傾蓋願交歡聞聲  
時相求何況親舊情堅與金石  
侔五日一張飲十日一椎牛肝  
膽照積雪意氣凌嵩邱雖云膠  
漆固孰比恩誼周自冬適茲土  
累月忘久留人生有聚散幻迹  
如泡漚歸與嘆吾黨行矣胡夷  
猶流波自迴復春風亦和柔終  
辭黃河去復作石城遊猶餘信  
陵戀佇發夷門轉鴻鵠將遠別  
揚

音懷匹儔豫楚長毋忘寤想同  
衾幃北望廣武原南眺白鷺洲  
忽忽涕欲下耿耿心若抽青眼  
且高歌良覲知何由昔人感一  
飯冥報形詩謳吾生已衰老何  
以富綢繆

和九日間居

重九郭筠仙侍郎招登定王臺還集浩園小飲兼呈同  
遊諸公

登高望九州悠悠念浮生良無彭祖術聊慕日月名茲辰自清  
曠景氣澄暄明池荷有霜豔東潤紅蓮時園蓼無秋聲四座泝  
華觴樂事踰千齡滄溟日東逝濛汜忽西傾嗁鳩一何悲衆芳  
難爲榮夜遊古所歎迴戈徒餘情吾謀適不用屠龍復何成是日

坐中筠丈極論英俄情狀自比於神  
禹鑄鼎大易知幾如朝廷不用何



近代詩鈔

張裕釗

裕釗字濂卿湖北武昌人咸豐辛亥舉人有濂亭遺詩  
石遺室詩話濂亭以古文詞名詩多隨意之作而自饒

風韻

贈戴子高

望

往從樸叟論經學苦說長洲一老賢江表耆儒近凋喪浙西弟  
子歛聯翩風期孤往山皚雪文字千年江導源一笑相逢真我  
輩秋風斜日白門前

庭前桃花始開

桃花身舊種今日及芳晨兩樹青當戶一花紅近人春風幾開  
落爲客久風塵故里田園在羈栖笑此身

近代詩鈔

張裕釗

一



雨後

薄雨初收滿院秋  
移牀樹下儘句留  
閒持一卷看雲起  
墜葉時時一打頭

咏史

功名富貴盡危機  
烹狗藏弓劇可悲  
范蠡浮家子胥死  
可憐吳越兩鴟夷

閨思

清晝簾垂地  
微風動組紉  
游蜂絳檐網  
歸燕落梁塵  
妾思夢中夢  
郎行春復春  
玉階舊行迹  
惟見綠苔新

無題

引商刻羽誰爲聽  
出戶看春信  
所經伯樂無人牙  
曠死獨餘柳  
眼向人青

農家夏日最奔忙  
偶趁清風追晚涼  
夜月柳陰人未寢  
邨翁荒渺說隋唐



近代詩鈔

張洵

洵字 浙江錢塘人咸豐壬子進士官翰林院辛酉  
在籍殉難諡文節有遺集

西溪道中

亂峯堆裏水潺潺多少幽棲占此間  
落葉有聲敲破寺斷雲無力住空山  
生涯最是漁家樂塵市何如野老閒  
更喜今年杭稻足柴門日夕不須關

歸舟即景次祥伯韻

楓柏丹黃樹樹秋劃波柔艣響汀洲  
夕陽鋪水渺無際涼葉戰風飛滿舟  
遠岸漁村催晚唱極天山色豁吟眸  
蕭閒頗憶江居士冷聽溪聲獨倚樓

明江元祚隱西溪除夕山居詩云靜  
隱空山無箇事祇憐溪水一年忙

近代詩鈔

張洵

一

一



書陸放翁南園記後二首

晚節寒香不可尋  
太師未肯老山林  
營成郿塢身安在  
孤負中郎譎諫心

歸去山陰謝俗喧  
懶將文字頌平原  
詩人遺憾俱難補  
惆悵南園又沈園

近代詩鈔

潘祖蔭

祖蔭字伯寅號鄭盦江蘇吳縣人咸豐壬子探花官至

工部尙書諡文勤

壽陽讀韓文公詩碑

我過壽陽驛來誦昌黎詩何物王庭湊種出阿布思尙書不與  
健兒語血衣那記先太師吁嗟縣官實自弱從此朝廷失魏博  
侍郎三月向邊城月子團團馬頭落韓愈可惜知者誰太息獨  
一元微之嗚呼深州圍解牛元翼君不見懷光希烈殺齋勅

孟鼎歌

孟鼎出岐陽劉

燕庭

吳

子蕊

皆著錄字畫獨瓌奇文從悉可讀孟名

古無徵王命實嚴肅辭多戒酌醪

文有

酌

有燕

豐

在

祀

無

敢

事

釀

口

案

無

即

敢

案

無

即

近代詩鈔

潘祖蔭

一



也鄆 悒與酒誥續蓋是周大夫掌酒食畿祿殷以沈湎亡周鑿凜

墜谷立監又佐史申誠徧臣僕文王與武王字左皆從玉三文王見

均武王一作致一見 邊侯邊伯先受田作湯沐莊文有云邊侯田左氏傳魯

宮王 南公南仲祖世卿著氏族鼎文屢云乃祖南公案南 成周事

弗具墜簡久沈陸幸賴彝器存十可證五六勿詳寧闕疑信耳

且憑目苟其跡可摻奚憚指畫腹偉茲宗周物鄭重等球籙何

取輕詆謫魯贗同垢黷况夫通借例多足證故牘過建字殊形

廢灋音同屬謂勿灋朕命也 佞古吾豈敢聊破衆疑蓄

近代詩鈔

鄭守廉

守廉字仲濂福建閩縣人咸豐壬子進士官吏部主事

夕陽

水碧沙明黯淡間問君西下幾時還樂遊原上驅車過愁絕詩

人李義山



近代詩鈔

許宗衡

字海秋江蘇上元人咸豐壬子進士官起居注主事有  
玉井山館詩集

紀事詩

皇帝未北狩舉朝方晏然魚龍戲曼衍拜手觴萬年維時夏六月  
兵氣南斗纏熒惑駭星變民間多譌言觥觥陸御史抗疏陳  
大篇倏忽七月交鼙鼓津門喧樞輔既引退列卿還遷延魑魅  
走白日鷗鷺迷青天前軍相交綏駭獸如散煙朝議易翻覆撫  
戰兩未堅秘策宋南渡預計周東遷猶恃拓羯兵庶幾孤守邊  
一人有棄甲萬馬無迴鞭似聞失河湟未敢盟澶淵六飛諫未  
出兩詔衆所傳威欲熊羆申誅或鯨鯢駢夷禍二十載得此如



轉圜開關孰延敵火已燎於原袖手思張弓無由弮勁弦王公  
既失險壞雲墮郊埏黯黯八月秋萬樹霜華寒光祿中槍退丞  
相策騎旋空勞懿親議難仗藩王賢己巳日未午慘澹旌旗翻  
倉卒羽林兒影影遑整冠緹衣亦顛倒遙行指木蘭涼風起邊  
色疲馬嘶聲酸啞啞白項烏回首長楊間關雲夜慘黯頗似延  
秋門爾時我皇意豈不思多艱大業二百載聖德垂便蕃弧矢  
定四海梯航方交驩朝廷失砥柱滄海生波瀾昨者獲巨寇譬  
鳥鎩羽翰呼吸一夫命崢嶸千鬼環狡計縱飛火殿閣何斑斕  
血色昆明湖電掣諸峯殷疑是犬戎禍傳烽悲驪山豈比阿房  
災焦土同一歎急縱虎出柙遑惜駒伏轅鮮卑竟姑息惕隱宜  
生還有功異回紇無厭類契丹介弟非仗鉞進退空觸藩遵負  
征虜任絳慮和戎愆諺忌鼠投器詩刺蠅止樊躑躅起四顧但

求宗社安古來重悔禍咸以殷憂先挽回術無他感召理有權  
信果格豚魚治可舞羽干西山轉蒼鬱王氣猶龍蟠君側必大  
儒中興誠非難



近代詩鈔

薛時雨

時雨字慰農晚號桑根老人安徽全椒人咸豐癸丑進士官至杭州府知府署糧儲道有藤香館詩鈔續鈔石遺室詩話桑根詩學白傅放翁雖二公未易遽及然以桑根治行循良而宦遊勇退詩境故自時近隨園

初抵杭城卽事二首

揚帆度新關關吏睨而笑是真窮措大破袂裹詩料薄暮入東城人烟翳夕照舉目無因依自矢特立操沿街覓投止晚風暗吹帽須臾得蘭若斗室聞香妙容膝便可居無庸卜杯玻宦遊寄僧家自我倡變調淨字度琴囊斗室支茶竈百錢沽斗酒洗塵作慰勞



嚮晨謁大吏如婦見舅姑寅僚卽宛若聯步相追趨新婦或愆  
儀宛若先擲揄手版躬自陳義與榛栗符禮成屈一膝欲坐仍  
趨起大吏但頷頤答拜姑徐徐讀書希崇顯此狀何卑污倘令  
妻孥見謂我不丈夫思之實忸怩退食自嗟吁卓哉陶淵明挂  
冠賦歸歎

雪窗

雪窗冷靜似山家官鼓皤皤又散衙塵牘漸清閒徙倚一樽薄  
酒醉梅花

春日遣懷次戚砥齋明經

士廉

原韻二首

荒園小築退思岳半列牙籤半錦函簾卷晚風雙燕入几留殘  
蕊一蜂銜虛堂地靜勤披牘宦海人忙飽掛帆自覺年來詩思  
澀麤才只合住塵凡

一幅瑤箋惠肯來吟餘擊節重徘徊才人藻思隨春發名士詩  
懷怕吏催濁酒儘能澆塊磊疏林逐漸長條枚簿書叢裏吟朋  
少新詠何人續玉臺

新正自禾中冒雪赴杭途中卽事

一角寒林露酒旗語兒村畔泛舟遲山河玉瑩無人賞蘆葦荒  
汀立鷺鷥

故鄉避難來善者絡繹不絕衙齋之屨滿矣外及漕倉旅  
店半住椒人感賦二絕

白裘杜廈古人心桑梓交遊誼更深鶴俸但期甦涸轍腰纏原  
不羨多金

頻年潘令賦閒居奉檄人爭說上腴天爲故鄉救殘喘廉泉假  
我活魴魚



苦熱行示王小初太守

十日並出天地焦后羿一射驕陽消有窮以前作何狀卜宅誰  
敢鄰南交古語荒唐疑誑我客窗親值炎如火一日比似九日  
虐攤飯澆書無一可珠招涼犀避暑冰井臺邊揮白羽今我箕  
踞生煩憂想見東征將士苦浮甘瓜沈朱李南皮會上輕颺起  
今我赤脚愁炎蒸想見人悶襤襪子解衣磅礴來王郎要我揮  
汗吟清商伸紙疾書不停手詩成習習生微涼

楊花曲

不見楊花開但見楊花落開時何纏綿落時何輕薄妾心纏綿  
君未知空牀徙倚長相思君心輕薄何堪數青樓大道方歌舞  
一歌楊叛兒再歌楊白花花開又花落蕩子常離家可憐往事  
如流水芳春寂寞紅顏死死後癡魂化作萍隨君飄泊河之涘

春歸曲

鷓鴣聲聲勸春住杜宇聲聲勸春去東君去住兩傍徨日日江  
頭作烟霧江頭烟霧何淒迷客舟繫在西江西舟中送春人送  
客落花狼籍流鶯嘯紅閨女兒不解事嬉春但覺春光媚鷺見  
新陰上畫樓春闌也灑傷春淚春去隔年回客去何時歸還將  
此日傷春意寄語天涯客子知

題叟叔龍湫觀瀑圖

書生慕山石局促居戶庭達官多勝游冠蓋愁山靈亦有高隱  
人守此泉石貞誅茅穿徑苦湫隘拳山勺水名難成江生曠世  
才逸興凌青溟東遊齊魯攬泰岱南涉閩嶠窺滄瀛軺車所至  
橐筆至目窮雲海胸羅星筮仕近隸浙中籍湖山佳處停吟旌  
六橋三竺眼爛熟奉檄更作雁宕行雁宕之峯七十七離合向



背無定形天驚石破龍湫出東西兩派流縱橫老龍晝伏衆籟  
息忽聞千巖萬壑鏗鏘鳴縹緲湘靈瑟淒清子晉笙玉聲璆然  
雜環珮又疑雙雙董許朝瑤京仰觀乃在絕頂上飛泉百道流  
琮琤懸崖倒掛據勢要一氣歎薄無留滯擬以懸布翦不斷比  
之曳練色倍明搏躍豈僅水過頽瀉注不異屋建瓴黃河九曲  
衆流混銀濤一綫萬弩勅未若此瀑極峻潔在山出山無異情  
香爐遙隔靈脈共石磴層折玉花傾靜觀欲探源所發但覺山  
空樹古天容青江生是時大快意眼界開拓心神清立泉何落  
落山溜何泠泠班賦不足擬陸詩不足賡劃然長嘯向幽谷胡  
雁答響湫龍醒壽之圖畫藏篋笥要我秃筆相品評我生已被  
塵海溺故山猿鶴寒舊盟懷嵩樓醉翁亭歐陽六一李庶子千  
秋名勝留公卿奈何棄之追塵纓坐令雲壑關柴荆脚躡手版

爭送迎名韉利鎖相牽縈清濁不辨涓與涇輕重不計淄與澠  
朝朝聽鼓撐公廳轉喉觸諱心怵怵安得山中飛瀑百千道一  
洗眼前虛僑之浮名

五十自述兩首

少賤家更貧內助資糟糠廿年臥牛衣艱苦實備嘗寒儒博微  
官翟弗勞稍償伯道苦乏嗣爲我置姬姜助筵未三年罡風吹  
北邙重買玉鏡臺卻扇窺新妝逮下禮數寬小星朗有光侍巾  
逾五稔熊夢仍渺茫旁觀爲我謀宜覓千金方有子老懷慰無  
子中心傷無子洵堪傷作達亦何妨猶子卽吾子一脈綿書香  
但祝遲暮年雍和成嘉祥大婦計齏鹽小妻佐羹湯常此影共  
形毋爲角與張衰翁開口笑勝侑今辰觴

相士號半仙相我形貌殊前生老瞿曇今生爲老儒面有陰隲



文晚景榮桑榆我聞啞然笑素性疏浮屠象教書不讀鄙哉酒  
肉軀赤手謝斧柯善行無由敷五十望富貴毋乃翁子徒果依  
若所言吾將尋故吾西湖叢林多劫後荒榛蕪方丈首開闢瓶  
鉢次第儲募化十萬緡浴佛金重塗教主尊香山伽藍奉髻蘇  
百年得解脫千古歸虛無成就過來人免爲俗氛汗無量大歡  
喜但恐相士誣引作自壽詩不堪語妻孥

題吳仲山督部望三益齋詩稿卽送赴川督任

吳公治行天下知週歷守令躋兼圻長淮千里作保障掃盪梟  
獍平鯨鯢八閩兩浙困兵燹輶車一到甘雨隨三月大治境內  
輯鄰疆嫌隙生睚眦陳生伯輿各爭政子朱叔向將拂衣詔公  
遠涉論曲直天子所左臣左之交權平勃睦廉闇封章上達天  
顏怡羊城返旆席未煖去思旋勒南臺碑湖山花柳近妍好津

亭搖曳迎檐帷去年迎公浙民喜今年迎公浙民嘻攀轅臥轍  
苦惜別三春風雨停旌麾武林舊吏棄簪組湖樓戢影甘朝饑  
萊公折節禮魏野鸛鸞有意鷗忘機采蓴剪韭豫雅讌酒酣談  
笑撚吟髭自言疆寄責重大雕蟲小技久不爲頻年行役逾萬  
里蠻煙蜚雨親驅馳炎荒所見駭心目艱難時勢堪嗟咨明珠  
翡翠遍島嶼寶貴無補民瘡痍花田萬頃白成雪東阡西陌荒  
鋤犂犬羊驕縱虺蝎毒腥羶海氣薰黔黎孫盧遺孽鏟不盡常  
恐伏莽驚邊陲忠君愛國出肺腑憂思鬱結宣之詩少年舊作  
半散佚東閣補綴資吟披吉光片羽自珍惜要我退筆標新題  
撞鐘那可持寸莛測海未免嗤銅蠡生平知己竊感激長歌聊  
爾揚清徽公今節鉞建西蜀三巴父老瞻旌旗成都自古稱富  
庶勝國以後嗟流離賤子家世本蜀籍水源木本分宗支拾遺



未克侍僕射錦江迢遞空縈思願公勛業邁晚近堂堂巾扇名  
同垂文翁化俗只循吏司馬發難多卮詞韋臯威望足坐鎮豪  
華聲色當時譏方今秉節重邊徼川疆往往參綸扉政成入告  
直三殿休明鼓吹陳彤墀浣花劍南集何慕賡歌上媿臯與夔

春湖曲

西湖春水廉纖綠湖濱美人鬪膏沐方空新製襯輕紗招邀女  
伴同看花道旁有客長歎息滄海桑田親閱歷盛時曾見綺羅  
香劫後又看金粉集畫船來往游俠兒沙隄小泊窺蛾眉暗遮  
金扇渾不識卻似相逢離亂時

上元前一日秦澹如都轉招同仲脩子虞西溪訪梅卽事

四首

傳柑宴未闌試燈風已屆朱門盛酬酢踰濟冠裳會寓公耽寂

靜避客如避債故人知我心翛然契物外言訪西溪梅未往神  
先快申旦出郭門涼颺襲襟帶相招及郊島寒瘦各成派遂循  
西堰行不覺瓜皮隘

秦亭何窈窕對面如相迎嵐影盪波光山水同虛明相迎復相  
送路轉溪更清沿溪多古梅十里霏瓊英美人住煙蘿娟娟含  
遠情不聞蜂蝶喧時有幽鳥鳴水石作供養竹柏交縱橫對此  
萬念遣悠然思濯纓

千鈞論法力護此魚樂鄉護生庵前千鈞所艤舟憩精廬入坐旃

檀香斗室淨如拭想見宗風長偃蹇雙虬枝交覆軒楹旁院中紅綠

梅二株數百年物也一如古仙人遺世留孤芳一如絕代姝綽約紅羅裳

巡簷結幽契得意言俱忘小酌設伊蒲飽我藜菽腸

薄醉日未晡游興轉濃郁山僧作導引一葉泛空淥蘆庵本舊



游荒蕪抑何速斷碑蝕蒼蘚危橋剩獨木憶昔樊榭翁庵中舊

主人壇坫相推屬吟社修成墟墓田付廟祝風雅且廢墜何況

櫻塵俗迴舟三歎息仰看浮雲逐

臯園行爲四閒主人作

四閒主人者萬篋軒啓環吳曉帆煦兩方伯濮少霞詒

孫許緣仲道身兩觀察也四君同居武林構得臯園舊

址改爲四閒別墅屬予留題予適有金陵之行同人飲

餞茲園幾無虛日爲賦長歌言別

城東名勝金衙莊後之主者嚴侍郎山林城市足幽隱水木明

靚花竹芳憶昔中丞仕勝國金省吳中其時執政江陵張奪情

抗論致忤觸蕭然落職歸錢塘林泉養望寓經濟邱壑位置殊

尋常國初嚴公亦卓卓嚴灝亭侍郎名沆清風軼事留詞場臯園卜築

仍舊貫大開壇坫供翱翔南施北宋此觴詠愚山佳什傳堂堂

梅村書法世罕見臨池特爲題滄浪吳梅村祭酒題滄浪樊榭

老人補志乘城東故事言之詳兩家人事各代謝居停此後誰

闡揚歷年三百蹟已古其中況復經滄桑我初蒞浙愛流覽公

餘往往來徜徉關中都督方運甓桐城大令時飛觴余蒞浙時

爲師庚山都督旋六年眼見兩易主人人生傳舍洵堪傷歌哭聚

族那易得茫茫浩劫悲紅羊城東萬戶付一炬茲園猶幸存堵

牆老兵炊飯爨庭柱健兒削樹修斧斨荆榛櫛比花石壞闌干

倒落亭臺荒饑鴉嘯風立古木野狐拜月蹲虛廊勝游衰歇結

構在天生佳境必表彰四閒主人今豪貴各從江海攜歸裝宦

成名立無不足支筇倚杖時相望卜鄰難得共珂里買山猶恐

非仙鄉名園舊址昔游釣捐金集腋費同償鳩工經始在歲晏



落成之日剛春陽穿城鑿塹引流水負土疊石成高岡小橋略  
約得野趣迴豁曲折搖波光嘉樹茂竹各顯露芝楣藻井重輝  
煌燄春筵啟冠蓋集公卿酬酢鳴笙簧新正四度預雅讌推襟  
送抱方未央衣裳之會僕所苦科頭落落形骸忘大呼楊孔作  
兒輩狂招伶籍相抗行酒酣客倦日倒景沁心清送古梅香主  
人知我雅好事要我素壁留詩章我時筆墨久鈐束戒途將泛  
長江航平生詩酒債怕攔倚裝重復展吟囊長歌未畢轉棖觸  
主人毋乃嗤疏狂東園樓閣盛南宋標題富景流風長

宋御園  
名富景

園龍舟鳳輦每臨幸翠華掩映青垂楊理度之世已湮廢花果  
僅足供上方百花池畔茂野草昇仙橋下嘶寒螿茲園基地最  
密邇懷古憑弔心徬徨方今大亂獲戡定東南日漸臻蕃昌葆  
養元氣首省會世家大族民表坊平泉花木足怡悅亦有蔀屋

飢無糧東山絲竹足陶寫亦有比戶寒無裳古人贈言重質實  
藻績風月言非臧善頌善禱學張老四君明德永衍祥歌成離  
緒耿寤寐城東春漲催帆檣

移主金陵尊經書院留別杭州同社二首

還我滌山學究時十年守令老爲師罷官不去貧無奈說士能  
甘夢亦怡越客臨歧酬寶劍吳娘織錦繡新詩菜傭酒保都相  
識合向西湖再乞祠

垂老江湖汗漫游茫茫身世不勝愁非關講學希安定自是辭  
官謝督郵綺夢重尋桃葉渡離情分載木蘭舟蘇隄楊柳休輕  
折手種經年蔭漸稠

清明節抵金陵遣興二首

老覺風波苦維舟遽入城沿街插楊柳屈指是清明燕睇巢新



換鶯雛翼漸成六朝風景盡猶有賣花聲  
三十年前事文壇此建旗故人今將相老我作經師亦有屠沽  
客能言少壯時名山容寄傲牢落漫傷悲

秧歌

亂後歸來再種田荒田草宅已經年黃金不入農夫眼畢竟荒  
田尙值錢

大麥豐登小麥收聲聲布穀叫平疇插秧糧飯今年足麥餅濃  
澆菜子油

郎唱秧歌儂答腔歌聲嫋嫋度平杠夥頤漫作秋胡戲田舍宵  
深不吠尫

晝出栽秧晚拔秧拔秧拔到月昏黃朱門夜宴豪華甚不信笙  
歌未散場

退後爭先步各移平田漠漠水澌澌低頭照見成雙影比似鴛  
鴦兩不離

佳節端陽喜降霖茅柴酒熟瓦盆斟生成田婦無梳裹艾葉榴  
花滿髻簪

插遍前畦又後畦一行密布一行稀儂家夫婦肩隨慣不羨雙  
雙野鴛飛

夏至栽秧戶戶同夕陽人影畝南東葛衫蕉扇閒游客不是狂  
且卽狡童

今歲秧苗節節高終朝偃僂敢辭勞忙中尙有偷閒想水滿陂  
塘臥桔槔

辛苦誰摹七月圖全家老弱在泥塗縣官聞有青天號能否今  
年減稅租



秦淮

紅板橋邊白板扉青樓珠箔夢全非沿溪都是新楊柳未解臨風作絮飛

杭人爲余結廬于西湖鳳林寺後顏曰薛廬時將挈眷赴金陵同人設祖帳于此用東坡和劉長安題薛周逸老亭韻留別

天生好山水休沐供名流西湖奉白蘇來往驂鸞蚪以我塵俗姿領郡得此州望古竊愧汗去官暫淹留祠祿藉養拙虛譽非所求廣廈未庇入乃以一廬酬背廬山峩峩面廬水悠悠徑曲樹陰合院靜鐘聲幽魂魄倦在茲一笑輕王侯冷檀足棲身紗帽幸離頭今朝遽言別一棹長江浮吾亦愛吾廬有約訂重游

童際庭觀察

題

出族祖二樹畫梅屬題依原題韻

世人愛集菀孤寒誰提攜亦有素心人夙昔跂慕之夫君性耿介與我稱相知橐筆走燕齊飽歷緇塵緇老樹方著花絢爛無媚姿竭來住白下聯襪舒遐思爲我述祖德出示畫與詩杈枒寫冰雪塗抹刪燕支苟無歲寒心筆力難到枝憶昔二樹翁醉眼方迷離得意疾揮灑疑有春風吹冷香入翰墨清氣通肝脾歲晏坐高齋對之心忘疲頭腦或冬烘此卷良可醫想見羅浮仙覽照顏亦怡峩峩倉山叟與翁常贈貽詩格亦清高至今供吟披皓劫二十霜神與孫枝隨勸君永護惜勿令罽蛛絲世家喬木陰頌美非諛詞

題憚南田設色花卉

七寶莊嚴九錫恩環肥燕瘦各消魂衆香國在甌香館次第平章不出門



返里

一水隔衣帶輕舸泛夕陽夢迴浦子口詩補老人岡

吾邑金棕亭博士舊

有老人岡題壁詩

過客和者甚多官道林陰合荒村麥飯香客歸春已去把酒

話蠶桑

十月廿二日偕袁生爽秋自復興集故里並騎至椒城余

渡江後生作詩見貽次韻報之

我從江南返江北徵逐鄉里招同曹短衣自署牛馬走不願當  
代稱賢豪今年秋旱禾盡槁種秫未足供釀醪旨蓄幸得老妻  
備黃魚剝鮓紫蠟糟朝朝醉歌擊銅斗勝假節鉞張旌旄袁生  
遠道來訪我清談晷短常繼膏生也說經我痛飲自知腹儉難  
搜牢詰晨並轡離故里朔風凜冽吹林皋路經負郭舊田畝稂  
莠充斥荒不薶可憐比戶憂凍餒里布尙且罰不毛

吾鄉近有加熟田之

令甚

紅巾遺孽近甫靖饑鷹往往思脫絛有災不恤更苛歛竊

恐莽伏由鴻嗷馬上所見輒太息陽阿漸斂寒侵尻入城媼媪  
各問訊一宿徑學康成逃渡江鍵戶事枯坐麋鹿不混騏驎槽  
百家諸子束高閣偶以吟詠供嘲嘈郵筒新什適遠界繽紛古  
藻抽穠條石渠金馬待著作胡爲清福羨吾饗願生努力涉坦  
道爭奇鬪博毋乃勞癡蠹偃臥終剝蝕申椒芳烈將煎熬公車  
袞袞競北上計偕早日聯英髦

時生將赴浙約舊友計偕

之江舊雨我所契

周公瑾故里

少年秉鉞周公瑾千古龍舒第一人瑜亮品題參野史孫曹事  
業說村民飲醇雅度同羊祜顧曲風流比祭遵今日將才盛淝  
水東南早已靖煙塵



出通濟門

杜門日向花間坐自謂春光私屬我出門大地皆濃青欣欣生意連郊垌昨宵微雨土膏透菜甲齊抽麥苗秀劫餘負郭無民房野花紅上薜荔牆眼前明媚尚如此全盛之時可知矣輿夫羸弱途彎環掀簾飽看六朝山

姑蘇雜詩二首

浙人多宦蘇與我半舊交知我宦浙時衆口無訾警知我挂冠來雲水心逍遙相愛出至誠勝會羅賓僚倪寬邃經術

數振風騷

小雲觀

籍甚八詠樓

沈書森太守

清絕丁卯橋

許小舫太守

楊

太守姚

別仲

馮

少渠

吳

仲英

陸

鳴九

排日相招邀更有問字生

楊

太守

楊

叔玉

鮑珊

銘王

青鑄

兩慮

孝沈

廉蒙

盛叔

友四

明經

意氣翔雲霄以爾賣文貲供我醉

且饗倘再十日留築糟成邱高狂名播吳下自恃無官驕

艤舟楓橋濱願言木瀆游三度輒尼止

應

敏

方

伯

招

兩俱

次爲

雨阻

非關道阻修西望米堆山絮帽遮峯頭鄧尉好鶯花

狼籍殊堪愁迴舟訪舊雨痛飲銷煩憂磁盎供鼠姑色香穠且

稠

丹

書

森

十

齋

中

盆

五

法

華

俱

美人坐其間掩映相嬌羞曼聲度新曲調與清平侔一室足娛樂何必窮林邱清游與豔集緣定非強

求

秦淮曲

二十年前夢繁華不可追秦淮無故蹟明月是秦時

夜坐

老年伏案似兒時燈火蕭疏映講帷無可牢騷聊快意偶經感觸卽成詩酒闌夢熟疏鐘警秋老寒深落葉知自笑吾衰心境懶擁書不讀也堪怡

近代詩鈔

薛時雨



對菊讀陶詩偶有所得不必和陶也二首

戢影城西隅荷鋤事種植手植盛作花欣喜動顏色瓶供枝宜  
疏盜養勢取側位置各停勻于焉安楮墨孤芳通古懽雅音愜  
素臆三復飲酒篇忘言意良得

花品菊最逸詩品陶最高對菊讀陶詩如以漆投膠九秋忽復  
暮歲月胡滔滔鍵戶葆性真內靜息外囂淡泊夙所契匪敢言  
神交太息周續之讎校亦已勞

近代詩鈔

王闔運

闔運字壬秋湖南湘潭人咸豐乙卯舉人晚欽賜翰林  
院檢討民國國史館館長有湘綺樓詩

石遺室詩話湘綺五言古沈酣於漢魏六朝者至深雜  
之古人集中直莫能辨正惟其莫能辨不必其爲湘綺  
之詩矣七言古體必歌行五言律必杜陵秦州諸作七  
言絕句則以爲本應五句故不作其存者不足爲訓蓋  
其墨守古法不隨時代風氣爲轉移雖明之前後七子  
無以過之也然其所作於時事有關繫者甚多茲錄其  
長篇鉅製一時共傳者數首則其餘或鱗爪之而耳

獨行謠三十章贈示鄧輔綸

有序并自注



彌之見過山中除夕設飲追語二紀前娛園之會後歷安危  
宜有紀述要與連句謙退固辭豈將激發鄙情亦時遠事衆  
誠非率爾所操因及暇時輒綴數語積日所得總爲一篇命  
曰獨行謠詩曰聊以行國又曰我歌且謠蓋明於得失之迹  
達於事變懷其舊俗國史之志也故綜述時賢詳記大政俟  
後世賢人君子興起除夕因以除夕發端

一晨復一宵聽我獨行謠獨謠君獨聽歲月一何遼憶我年十  
五體羸志未修呻吟窮巷內學作康衢謳儒冠樂羣會始得通

羅劉長沙羅熙贊熙載族兄弟也識武陵劉鳳苞道光二十此

時聞常鄧長沙常鏡弱冠能文先交鄧傑兄弟高咏鏘鳴璆鳳皇

不孤響燕雀隨啾啾寒冬步從我玉佩貂襜褕十里還城南夜  
燭明如珠城門丙夜開民物共歡愉分題賦南閣君獨悟幾超

鄧與同人登天亂余方樂娛游明歲果告災荆澧連天浸桂

象亦無禾湖廣水旱民饑南郡介其中湖南巡撫所領院司庸

且疲陸貪駱則廉其智各自謀巡撫陸費章牧令久俗鈍參錯七

十都湖南六十三縣楚危若振擇越亡如爛魚洪秀楊人假清法

環西成祿教惑衆也始有名號盜僭初起王即禁號倡和連潯梧時山盜

琛也起州縣鄭家祖人琛十九獄訟多滯士給至堂令人推之出闔門吏

稱道呼光末官乃廣西明巡察著奏草先中樞彰云上厭事調發煩軍輸

且自雍正直省督撫多房先行咨上大意乃具摺言自西夷事起宣宗知天

廣下財盜一鄭告節穆聞令秘不聞怡文宗既龍飛其變乃具疏

選將由固原薦材未云誣咸豐元年盜固原提督向榮率兵討捕

榮後爲誰輕鼯鼠機林死降李周之言更遺林則徐爲欽差大臣

道病死以周天爵代星沅周剛意輕李鴈行始不和奏用軍二萬大

近代詩鈔 王闔運 一一



臣舌橋喏是時調兵不過數百總集三千人止矣周策其後乃歸病死盜文未

宗特賜諡文惜哉謀不用足為後世模鄉使并全力武宣掃無

餘置此曲突計焦頭賞曾胡斷斷浸上聞命帥輟尙阿請特派

大臣視師李塞新有清正名朝臣賢貴大無諭之者士朝出清望臣

十六枉貳車一飯巴陵館但見訶膳夫索中僕乃隸置饗肉中岳州

大進怒矣乃六月守永安左向頗右烏百洪寇大據將永安向榮師烏蘭泰將能

重戰又相銳能也失律債四鎮桂林閉闔閣烏追寇遂遇圍伏省喪四於

吾未云衄於寇膽氣麤出湘謬走郴徐駱又不圖咸豐二年全州四

欽入永道不能沉在桂林多敗乃屯湖廣總督程湖南采防南軍備空虛

不乘治兵皆一坐土城內焚湖南省城野南與羅繞典議不土決城寇追或議

幾駱羅寇擒也一議棄行州衡程番走聞攻長沙復還至偏師扣南門

民吏但驚呼蕭朝貴以二千人從平寇方略省城已至笑領之覺赴赴

尹培立一士當百夫寧為壯士死不作欽差逃石馬鋪屯陝西

將之陝軍不慣稻食求麥不得時副將尹培立率蒼黃乃閉城

八十日其徂其年七月十九日晦圍城君時直閣門余在傳淺湖始

聞易帥詔乃用鹿邑徐縉時代塞廣西夷約踐庚大舶鄉番禹和

戎我所諱撐拄不入郭以茲得封爵名字溢寰區初道光庚子

英私許英吉利入內通商期以十年立約至庚戌使至廣州

徐為總督登其舟迫令出洋夷人本無戰備故去徐以功封一

子等時議盡虛佇陳生對唏噓朝商丘陳景雍及不可用京果然噉畫

餅不能補羊牢徐至湘潭停七日不散逼塞相得政體也巡撫余時

自樂平平濟源李仁齋三月樂千里一肩輿平行至城根不見官賊

徒寇圍城唯居南郭夜投魚船宿烹菘肥似膏明晨告府主帖

下架鹿盧音城下無回信亦不遣水洲旁魚舟以書上呼余入者毛

如丈運將相共出入吾亦縋我腰猶蒙巫嫂嘲啞啞笑縣豬北城東



治設團精防好及詠梯塞曰大臣將入相余姑子妻人夏左出戰云羅城中繞典

而豬入於近啞亦也臥聽沙井角坐吹南樓笳楚勇營近客謂沙領井與

掉江頭忠源有往拔其必其賊江云攻南樓提督鮑起豹迎善化屋無賊也江

呼像為鮑對齋坐公人是時青衿散獨與彭郭居同善縣郭新楷玉余郭生賦

七哀彭子慕廉頗城中尚歡笑士女縱娛游雖聞地雷鳴不敵

瞿鄧刀龍寇拒戰斬先登將鄧紹良瞿騰如何洋礮威近欲欺中華

厲階蚩尤兵矢石更礮硝兵火終自焚利器豈防軀守城未論

功忱惕夕至朝無寇初懼巡撫張亮基等以朝廷務寬大張向並有

褒疆臣失郡縣自此改例條向非戮青驛軍法無所加撫軍與督

斬者唯咸豐四年臣有為法死主有縱與操洞庭散漁筏漢口聚

商梭其湖北設防岳州又募漁人舟斷行舟舟聚資口寇盡得推能誤

雙福閉戶啟四郊江南北提督雙福用其策悉斂眾入城自壞漢

陽府漢陽兵知屯守董振鐸不游擊李信以五百人俱死藉寇長虹橋向

守有王虹錦橋不常聽祿後能援兵敢不戰得先過至武昌請掘浮橋連江漢羣盜始

翔翹之寇盛作自古未橋有其勢二自此益張行臺坐傾亡十萬殉干戈徒

驚忠貞盛灑血江漢波民武昌破出巡屍柩猶有十萬縉也待雷霆

印界陸尙書息徐以待縉終未之一至乃與陸人建瀛代之有屏人皆坐罷

奕公獨早自夸伏波久據鞍衛伯果執及全眾五千萬疾以千

人驅陸後受命還出江寧州治軍三日即發自將河不滿二千及前鋒未交

旗後舫忽轉頭下總兵恩長巡捕官震矯令死遠舟走芾慶死灰色宿厚

反風議將同奉命厚防藩江司者宿撫張陸安芾棄九江文慶守江寧慶者

無所辦祥反交宿藻効城陸守奪事職一不知治父囚但恨莫敖驕庸奴卒併

命如貉在一丘竟符金桂識共唱耶穌妖偽三年二月有寇破江丹寧

呼桂插金瓶無根總不成寇以妖言非起夷言成乃事猶語也拜耶即父也



天蘇父能而復生人也謂余還過南昌娛園梅始苞分牋輒懷君置酒

且揮豪還鄧父仁堃知南昌府齋娛園除夕刻燭連句為長歌自後

詩之歲有祭龍譚過東道以會龍試至淮遇軍塞道風雪纏馬鑣淮

揚哭途窮公車避軍囂琦侯起徒中善琦貳以學士釗釗許乃曰榮

佩關防大琦善夾向榮江統俱軍防欽差資格不拘縲滁州既已空林李遂

渡河山寇將直隸及天津南趨山東楊秀清不欲北行遣懷慶將林

為鳳翔軍所滅猶入歷三年故天下乃震動南北分欽差勝生本從琦

用以直諫嘉遂勝保以閣學從琦善分兵北援訥經老不庸棄彼

若縣匏鎔也鎔吳文亦文俗采名命督湖先朝老大臣一一在大

僚是時君先公分道筦糧儲沈李議漕折余預聞訂謨沈鄒陽令

萬與李樂屯九江為大營及湖北倚角不果行長算駭眾聾各自撤

藩籬從茲成分播俱歸守鄉閭俱還里中孫叟麟趾孫老獨

癡乞食供妻帑須臾寇分軍百舟渡彭蠡江生號能軍一旅保

洪都君時正取急余亦還湘塹髯髯曾禮部壯志陵岫嶺曾湘國

團練以侍郎丁憂還奉命治寇折節致賓客義軍起蒼頭農夫釋鉏

擾學子束書包鄉人將鄉丁迂哉王珍與羅南布衣操土音見

帥不能趨不知富貴樂豈暇詔與驕監軍選材吏縣令有夏懋

朱七子榮一敗壁上觀睢盱弟軍戰敗死者七人楚軍誇

身手濟也貪且愚留賞不椎牛白晝士譟譁二卵棄干城自此

江氏孤濟江也江源西帥楚勇號能戰二萬忠濟不以給士軍課索欲

從征而楚勇遂弱矣君從援軍入觀父留東湖余歸就蘆荻

擬信傷王褒元饒州破沈衍慶十日歸仁風塵益瀕洞賊馬馳洛沙甫

捷宜陽鎮追奔至獨流帝曰叔父愉開府秉白旄僧哥女參贊

素光縣爾腰將三年健銳營出京討寇惠綿愉科爾沁郡王僧格林沁

近代詩鈔 王闔運 五



佩刀僧格尼林沁參贊全乎不北援翔芳並就俘撚寇又影響擢用

袁兵科其燃寇兵河南山東羣盜也三直雖異

趣初言勝會三見公知時號以文直臣位帝聖能遠猶舊臣盡僵仆折足

覆葦蒲死道光無中可督任撫者悉敗死九江既再淪江防在張

吳傾兵防田鎮先張亮基田家鎮軍潰帥亦通元戎恨死綏吳中

按察使唐樹義死感彼殉黃廬安黃州巡撫江忠雲門余懷越甲恥

杖策獻軍謀長四年春寇大上皆洞庭屯環謬蒙忘年分抵掌借前籌

是時曾侍郎學上年四論事輒自專二羣凶敢相距上下並屯鈔陳彭

各有主潭彭嘉玉欲杰議救靖港謀退踞上游余桂以故贊成陳議

塔齊援寧鄉東旆改軍符副將塔齊布初援寧回鄉三日行十餘

而疾行也喜疾走趣湘潭意欲憑櫓樓旌旗道相摩倉卒會馬坡

我愕彼不意短兵接巷衢從來貴拙速驟勝鳴干枹自茲習大

勇突陳飛蛇矛塔身自挑捷兵興五稔來搏戰始自由雖

有靖港敗失勢兩不留其夜初三更靖港民士來乞師曾公分四

旁過自遂潰曾憤怒自投水以救免聞退湘潭大捷寇亦遜走明

明我顯皇坐照臣藩憂詔奪提督兵超次用塔侯王培始愧屈

蒲伏氈毼其會軍治罪及奏湘潘司徐有壬臬司陶恩培詳請奪

汝諫此切責搖搖起如豹懸以塔齊布代命者靖港之敗詔有溫慰司道大員

曾軍自支頓首稱死罪會軍長氣勢後用錢魁酋每懷御將略涕

淚橫袷袍何必身受知甘死報聖朝史臣豈知此願以詒千秋

水國利戈船篙工自越招債軍陳陵磯拖罟重被膠折肱果知

醫彭楊狎奔濤以會軍立水師時議以廣州邦船為最奏募五縣營

夏載福為左右軍長十營各州越營官先出乘陽疾流順風玉攻寇千將還

橫舟不能皆陷沿岸而幸彭楊卒為名將羅山善學陳初澤敢戰觀塔

近代詩鈔 王闔運 六



戰而大捷後日寇來攻軍轉戰江漢皋乘此破竹勢千里卷昏蒙

湘日遂水陸武昌征七需以心計稱通楊俠及為湖廣州餽定郡王師少

道銓丈名已不鏡不省久敢乃顯送與書兄子耶令如此某但運甲鏡居至窮巷外寺中

大無問所以則入置數日喪呼備中以入城鏡矣在定王鑒識旁如此而女不可自送

用見敵頗忪懦湘軍不後勁直弄潯陽潮言湖北布政使夏留羅

山下還屯九江守公投寇書地相及直輕兵卒致敗盜獲元戎紹十四年

明月贈寇以小船御服黃襄貂馬船獲焉鄂將如驚弓陶撫但叫號

收軍詎能守委罪信無聊城不入時陶恩培為湖北巡撫不過

軍方以元日索蒸楊銀待壺罵江而死歸與豈知幾除夕宴巴瓜

忽聞寇至呼天怨楊銀待壺罵江而死歸與豈知幾除夕宴巴瓜

余於十二月二十日自武昌元夜賦春別燹火照畫橈夕鄂還

武岡余與城南龍李壽悲不官東去如雪飄武漢果三陷空

城餓鵠鴉三遷翼始庸名益道胡林翼從曾軍無功迫蹙沌口頭

王將孤且奇蛇山夜鳴駭人副將王國材呼武昌城夜入寇數百人

東南倏翊瑒水陸愈喧呶留湘九軍分爲三會將宴藩署斬數人

天枉布湖南提督塔中齊周將山鳳謬擁旄賁軍始章鎮義吉委蓬蒿

葉周厲忠貞義寧州牧葉濟英吉安守周乃不衡令赴急空屯棹

十餘寇以七人反顧陳曾又懦警本江西巡撫陳郡縣遇與曾堅持根

其城固金石其援絕虬蜉恭聞先大夫請命獨悲吡鄧父請哭

巡撫前又矯令罪庸駑駘軍聲環戟鑿城濠終無一騎援坐與

羣寇鑿曾軍弱始此況彼西官胡楊需以官文與胡撫阿為武欽臣

時危出奇計羅軍退鳴饒卷甲趨武漢三戰洪山高入羅澤南攻從

克廣信自崇通遂武昌復武昌是文忠發智略羣帥盡和調得胡撫軍

傾身營下之水門師迎之彭楊不和百拜以謝謀黃金壽絳侯總官文為

卒還營自出師將之故將士感激爭効死黃金壽絳侯總官文為

千兩鹽稅歸所之議月送不聽三蕙苡餽中朝得告至是文慶主柄試政江與胡

近代詩鈔 王闔運 七



言深胡相才結能為交歡朝貴行盛披榛立軍府雄藩轟峨峨夾江帥者

誰托阿托明德阿興成揚瓜吉杭銳無敵爭輝殉九華阿蘇斷寇爾江

寧死運九華山爭高榮老心易搖大潰若散沙死向榮遣老病往援蘇大撫戰

遂洪楊喜徵死杯酒自刎屠韋石又疑閨寇事已欽臣敗秀清退欲以自

連立秀全急召章正於酒牛刺殺乃秀清並誅正以其謝所其隙懈可圖

朝議未皇審承乏恨怡和怡和將張國樑江能軍而為和所奉臣侍郎

乃知難拜表還喪廬曾公既請久將終喪委軍還意其先墨綬出其

後避金革議禮難彭吳玉巴均陵吳敏奪樹情與彭否嘉斯時獨胡公虎視

厲熊螭樑也櫻國亦奮威再得登七橋大七營橋處屯二福撫安福徽濟

軍福興西不經濟羣盜蔓浙渦始聞歌九江已見哭三河繼李統續羅

河軍尖有衆三月克九江九月寇將盧州乘勝深入所過留兵比至之三

覆全軍成乎夜起舞金陵爾無虞一勝殺二李調勝保再起李孟兵奏

孟助取中微亦促戰死於河既敗六合禍池魚守江德與阿屯浦口大

營既潰寇大攻破之六君時侍親還余欲上公車耆龍正吹毛

撫鄧父齡布以修省龍城被瑞批報之巡共渡醴陵樑分手章江門獨往

訪麻姑余往視耶之仍於南城吳山看興亡八年除二月夕杭州陷山歷下

吹客筭客九濟南除夕慷慨燕市游正見斬屈釐八年順天大學士節事

余發斬之日至柴市橫尸厭長星彼死輕一芻怡初王磨載勸垣特以鄭王端華

言科監之禮部主事李榕侍門外聞王大臣二王鄭怡不達政順乃

顏敷腴書戶肅尚自喜忠國謀五字算錙銖為官號錢店有五所皆以字

官滑之識也獄官多所逮考宿將倚林沁三貴未相孚猶謂堪粗使

領隊防大沽帝患羣議淆和戰互從與賜酒祝戰勝聖心得窺

覲以英吉利以互市怡入廣州順執總督葉外藩王至天津我設海口不

酒敢曰深女論飲已此必辭戰猶勝乃知上意不在宗和也賜赫赫名王將託之鄉

近代詩鈔 王闔運 八



練夫全勝不能武公侯空守株夷舟入見陳兵他盜之曰團練王

安在二船其不知也於是拔樁直入海伏岸半起擊沈馬習二陸戰損郭子勝

愈餒書湘陰云郭嵩勝而從人愈防所尹生危論據疏御史三尹貴誤國

余游羿毅中嚴翁誦瑕瑜處嚴為肅順所知賞以立身相誨君從

南陔膳欲種秦人桃石衆忽南趨卅萬擁魚休湘軍久益傲外

強中實瘠貪將領游兵爭長互訾聲李蔡品下中來援氣騰歎

夾濱分兩屯沸沸如羹蝸兩潰各鳥散論功賦形橐寇懦貪合

衆徘徊走荒嶠其魄已天奪衡湘勢翹翹江寧內訂將自領軍出

犯江西絕時湖南二廣之不能交遂圍湖實北遣衆號五十萬所援尤過三日夜撫

虛與心續宜聽屯難資水北數而走十日不問戰而奔湖是時諸寇將屯資南亦不

氣沙奪湖南必可全而有幸惟在外湘軍皆吾生信多憂南望感塵焱

君又故鄉來躡履相迎遭青春飲酒樓劉熙與化劉莫友獨山莫共

歡醪鬱鬱不久此行行思鱸丹陽敗書至吳中如亂麻十年

梁敗於江寧城外江督何桂清遜上海寇逼遂取常蘇松諸府征途恨

苦短官程恨苦奢余道員試用浙都江匡肅始謀帥關防落東流

會而議軍機大臣督匡源奏對言今日江不願也非獨何桂清不能

乃責何恢復亦不能論不然已始命習且可觀後東流上屯難相糾結蛾

賊扇撚苗近蒙城買安生徽苗河霽南武交斷皆鄉奉村其號令遂壯有異志旁苗

貴州台拱諸苗回西甘肅回人杜文秀焚掠內民外傾動英法內

吹噓主英吉於直省為西夷泊入內最先之法國外洋皆嚴敬焉天道窮

世運極將弱藩鎮粗余東竄祁門建策擊長蛇收吳旣鞭長爭

徽又脣焦而會居祁命後半奏云即日安慶去江寧蘇州均吳近會於祁門

豈人左宗棠出為浙江應今南乃得形勢耳不聽鎮而公弟國莖以

萬守辭以防張百處彼余不可往余得云以且張可為礙州去之固耳周天可受因寧張

近代詩鈔 王闔運 九



而失微曾然之張既罷余往則可賀且不請可往日余曾笑曰請以徽兵之紛紜

即往來矣古來無請援王邵謬奉書君無申胥誠久作仲連居漸

迂儒有齡賀蘭主事邵懿辰及鄧來可告浙而發者浙江君果破艱難得

九死幾與祥興誅浙鄧試用林在浙城破米與朝官俱以失新撫軍中時

左生階下囚官文朝劾出使南劣察辦左胡宗棠行七千金以提免訊拔用賜

軍鈇江左以三品卿軍務領浙彭湖遇我舟精卒氣果殊支吾衢饒

內犄角灣皖途安慶得瓦解胡公瞑黃墟安十一年八月胡克恨

無勤王用掩涕昆明湖假十年英吉劫入京變初先胡幸熱合河奏請

率勤王兵而行又肩輿入人國談笑已亂華門英直乘利入使入轎入東便

血諸臣不羞恥死謂兵燹遭常京朝官唯管園大臣文豐及主事

余生塊土餘閉戶每畏搥東南稍及西斯民盡如茶之銘非

焉術假息乃狂且雲南撫徐之銘寄命回將乃狂惑自恣藩司

又殺總督潘竟入朝廷至樊城病死田郎怒與信倭童亦建欽差牙

川鼠爾何跳使我良友殂鄒陽黃淳熙中攻四伏死川回漢閩漢中芾

也烹如酈張芾被執漢中謀遷誤倚斌甘督樂斌以長安辭陝號弓

俄委裘祖制重顧命姜姒不佐周誰興同道章文宗崩肅順匡

太后壽以宗姻受顧命立太子改元祺印諸臣乃發翻怪垂簾疏

御史高延祐請垂簾大臣擬旨切不能召親賢自勿據天圖戮

之費一紙曾不驚殿廬恭王奔喪其日收怡鄭於朝房拳肅順於一

俱殿旁祺祥改同治御坐屏波離四國通五口和戎脫王弧海

波識聖人獻稅助軍需上海議會防薛楊笑匈奴海和設會防定局上

夷人增稅養兵助拒寇然蘇江督斷消息潘龐悵云盱蘇人潘

曾軍路復詣輦金鸞將帥今李勝昔雷初江蘇舉人錢江等具餉

帥同治元年錢鼎銘等復買輪船載金請往洋槍響青浦鱗介



盡冠綏滿夷州軍衣會冠攻而洋華爾白齊文浦皆易寇將已失勢奔命救江

淮李寇將成或持欲不和夷霖乎狡更愚烹狗召人猜二寇沛及陳玉結成敗洪

號於廬州狗苗先誘時縛以鎮獻騰官軍苗並以後烹狗相頌也況有程將軍啓推

鋒破如椎追程寇降在寇後夜不率數百兵人信嚴我持開壁相迎不幹壁下發呼曰

蘇相擊為進履退夷出將視陷傳陳呼死開者門三程四以此程所激至效無堅從李鴻州寇戰將

不約降已既而開寇城帥不交李兵程列從陳自容若還程置酒於席李中請悉引其斬之帥自入譚

創行發死徒英黨吉解利散求十其萬大計旗功以成歸未幾凶酋失志死秀同全病三年洪

城自然開州二年十月復江甯蘇州是三年二月寇盡月平復杭張苗更么魔日午

消氛埃苗燃寇魁十首張樂殞行皆二年王所平被禽獨恨良將殂整屋蹶

龍媒差軍大與善戰寇稱多陝西隆圍阿餘安廬於皆整其所定以將軍死授欽趙奢揮

賜金廉勇信無儕思弘寢兵賞悵望龍江隈龍多江衣雙食不充居詔

不問乃知之以為將軍為古今廉將殆無其比也人莫西游既改旆南走登

朝臺行余既以西游華山與多軍俱文理感秦慰貪泉恨蠻陬本無

丹沙顧甘為越女留一言拔管婧七貴笑咸胡余有南甯女子聽歌

頃生過二女寓悽然為妾其時廣人癡笑之餘獨心賞吳湖督官及巡撫

會俱騰以取書相告為丁以果為談所柄余一告見即文問曰君為不名動丁七果成邪余

姬余妾告出之拜矣後會欲大笑丁曰再奏入明丁固不肯然則兒好可窺矣人家未隨戈

兒放宜鄧宴於南安余昌曰園此中易納耳一名婢之龍戈兒臣以與志艱言難可士枕後鄧之竟遣不

且逐鴟夷浮城余寡兄弟獨與遂移居不中在聞喜韶石下東

笑觀淮渦方余北書云還臨過淮曲略江定見將破寇善羽後書并約余得為安江淮之撫唐訓

南人愧王偉北闕徵呂嘉寇中將執李乞秀降成贖死江書南史城士破劉匿趙空之舍

倫交譽稱正其才不讀以為將初會之侯器請云獻俘王詔令送侯景而或以斬讀之書童

孽何足俘三帥好傳譌陳洪秀全子天貴自南李寧亦逸言其會未死奏九云



騰章左相詆會侯不能爭直小事也將將反違材牽船策疲羸水師提督楊諸軍旋改督陝甘江西誰云敗駕馬終類畫足蛇勝楊任旋罷不會

侯工作奏言錢空縷翻平吳爭大珠奏凱裝裝馱徒增俗訕笑

但訝涉夥多江寧克會奏言初疑寇有積金可富一國嚴密按求金馬生驟建旗後殺比陳陀代時驟用馬新江已貽而張汶祥後五年刑部尚書即訊不能明乃為優郵馬而處張所以極刑出果威荷柱

石湖廣伯拜大文以功封文武兩無施征車過蘄黃老幼訴煩苛

王軍恣驕橫與寇共蹂躪者王軍討擒寇縱掠家久女可少避之功臣稍見輕幸門忽已移快快各移鎮露刃已參衙寇平會

對怨嗟頃時李鴻裔署安西糧道語余云置此他人事翩然跨青

羸敲冰渡濕水舉酒聽易歌 行宮訪盛衰夕望蓮花池清苑行宮

在蓮花池四年燕趙古疆國民貧邦薦瘡黃河改北流麥地成

沙坡其人勇盜殺見敵不肯訶北狄我外扞積弱折入俄用國家

盜復北窺忠王墮劍鞞還走河南僧格林沁拒戰死而急刻不御

衆士以帥作囚伺其深吝入爵賞而募勇銳遂以且懼朝驚喪張郃

六傳何紛拏寶年河南撫李鶴年及山東撫寇丁項籍百勝僵荏山

雨滂沱方知敗為功豈恃天眷賒徒諸軍屢敗而不至益衆寇走渡

至衆黨 勞民汜小康旅人亦倦游歸來營石門聞君酌茱萸

益水經注資水東北出山川信清暇英彥美歸休時平儒業興經

史稍尋紬冥悟宣夜學環轉北極球行西夷算術言星地運鑑石

墨家言光重窮眇幽學西人所傳光經重曲執語郊人今與太學

伴奏開同文館臣倭語伊嚶仍仿鴻詞例舉貢正途習西品官已

近代詩鈔 王闔運 十一



下倭乃得為弟子以疾罷學海外奉巨子拜堂稱救修西夷聖人故奉有  
士父有省雅正手初毀撤及定和約又悉予以康熙地而建四川貴州  
京師直隸及京儒徒黜異術編館婁相仇九湘江潭陽貴焚其堂  
湖廣復修立京儒徒黜異術編館婁相仇九湘江潭陽貴焚其堂  
疾之又已甚醜語成誣謠理天津謠言教堂藏人目至姪二殺百無  
岳盈鬼目稷街傳王母籌民訛驚廟堂謝過詔毛勞鴻湖南雲貴  
督勞崇光均奉一詔復竟成天津禍的火奔入騶津民治九年主  
堂主豐大業手火槍驚衆怒信難犯淫刑及胡雛督撫書閉  
侍郎崇厚又驚天津知縣衆怒信難犯淫刑及胡雛督撫書閉  
門丁李載飛軺蒙恥甘作詐千金買人頭焚天津民閱殺法豐大西  
藩有疾去婦攜子還渡浮橋亦殺之以丁日昌多智計令兵總和議出  
人斬以三謝過乃已騰章贊天主清議更嘈嘈會奏不立與游民毀  
庫金以謝過乃已騰章贊天主清議更嘈嘈會奏不立與游民毀  
官大譁騰章責乃之會復書云慚清議也故京淘淘值一笑局促憐  
轅駒請纓不我許自愧終軍繻御夷必欲與英法交涉者宜不舉

我以自報 長沙賦嘉會二駕北道轉是歲余嫁女於鄧子城南

篇入明年重尋保安寺悽愴洗馬溝保安寺昔與鄧同寓處龍高

屈墨綬龍汝霖湖尹李榕悲跼跳嚴子嚴浦咸既蘭燒張叔

世永綬張困萍僑圭璋不自達金石疇能要喧喧冠蓋會逐逐塵

俗馘執戟君昔歎挽輅余今愁 諷咨帝京俗積弱自明朝分

權建閣部牽繆徒絢繆樞機內廷議取旨造邾交上前患咙雜

頭塾專魁杓同列雖與聞有翰可軒駒臣明領部以宰小相專政以

有朝尤嚴宸後有軍機房行走雖多自至權衡自然宜以無一人願問故先

是走最前第一人仍不異獨相上所謂杜翰轉墊左當謝恩而翰不助推

其已熟睡此吏銓案籤格所利惟鬻賊戶曹計賦役丁糧混一條

京米五致一河運煩牽舟旗餉不裁制兩困貧無瘳承疇豈尸

咎綠營亦坐偷因仍養兵費耗食同螟蟲禍始唐藩鎮至今為

近代詩鈔 王闔運 十三



贅肱八旗人增制一丁歲益銀中冊八門有國以成致困旗承亦不足

亦懷二心營欲弱滿之制也耳承疇偷以生視息無額兵雖有見府兵田特如今此

因駐五代之藩鎮養郡兵之習而兵蓋之始察自宋宋慎刑重民命獄詞無一

輸昨者戮元功不憶賞狄俘西曹爭產痕獄貨飽姦胥都統勝

反唯賜死讞其罪云不應取苗沛霖之妾也山西富民爭產獄三

禮臣不議禮工作工侵牟憲臺許風聞近歲寒蟬啁左都論加

賦反黜為國羞西撫奏十二年左都御史胡家玉論江西加漕三級

調如以人廢官七卿盡悠悠六部都察院大理寺為九卿諸寺

愈冗散囊粟不充廚近者大常樂日壇陳月幾夷人壇入京大常

為垂月壇樂以祥翰林學山淵不識古鮑昭檢擬鮑昭數詩皆不知

出吾鄉有周昌徐銘通博人中豪京中言翰林詹事中有能半人學

此不得其人名所自言同治十年試貢士刑賞忠厚之至余李廣詢笑館云

人皆不知所出乃得之陸廣耳世族數潘蔭翁同張洞李文田

翔寥寥謝潘維許不知時願舖程朱糟 修文在此時余實愧

英髦寄止靈臺下賃馬供芻茭昨者盜窺鄰伏屋升若猱五城

佐京尹步軍設游徼職分權力輕民稠生業凋標劍劫司寇懷

刀狙直廬咸豐十年盜劫尙書靈桂御史奏言大司寇少司寇

朝房有飛刀刺之者執訊言醉人狂竟釋也吁嗟下翫法匪獨相

攻鈔羣臣議大昏崇儉數樓樓寶衣費巨萬織造撥民租國用

誠乏財財糜國未痛舍大而撫小外嗇內欺誣矧今增釐稅庫

帑不供儲子口七百萬和戎利在予昔貧今已富算利謀誠迂

胡為握大錢頒鈔供官精脂膏潤內務宦者相染搵安子小黃

門御前頗承趨初無城社託黃緣畏鼠狐熱車游九門廠店椎

珊瑚愚儒好憂天安意侍帷幪御膳供粗瓷微詞傾六耶外安

近代詩鈔 王闔運 十四



宮得海供膳多用粗器不悅未幾問故王對曰昨六政耶王或云謬啜茗取

箸疑亞夫日又傳云恭王誤舉御杯故常賜茶一儀蔡生好抵巇奏上生

崎嶇危乎臣不密嫁禍翻怨倭營翰言蔡編不修蔡壽在翰林及奏上王

遂罪狀恭王幾不測蔡先以奏示倭壽仁故後並怨倭古來功

名難中山涕漣如何況奄豎寵殃淫厚其辜制嚴城門禁邀敕

觀杭蘇龍旗炫鬲津密帖令要遮王林不自脫歐刀徒見汗鄉

非失堂奧終亦費驅除山安子取中旨往蘇杭催辦織造恭王以

如張彈文錫言淺意有餘方矜面謝恩已恨瑤殿枒郎內文錫府有

謝矣寵賞賜以二品頂帶其父總管明善方謀所謝文錫還言一年

詞史張景青佞幸罷之術新政光日月補天德維媧小臣頌堯舜

抑絕懲諛阿中散堯舜語降附二人嚴辰有女李公進麥歧邊都相

切瑳御史邊督寶李鴻章奏瑞媚主隆康高宣臣無靡傅番水旱

時丁甯六月寒侵膚馬首余欲西恒衛水揚波愁漂總督印治同

遇三年陝甘總督沈兆霖道且逐黃河槎揚帆渡張秋大野派通

荷漕運始郡縣陶唐致羨羸制自唐人誤讀之世無貢米也挽

輸誰厲階三朝勤濬挑黃運建三督歲費巨萬饒庸人一生事

狂流日滔滔賈讓復妄言棄地廣河溝於今行上策青徐歲淪

鋪昔建疏決議余思借疏杷自黃河改道山東直隸頃民田

民失業數萬矣成豐九年余代山東撫作奏請濬決不繫古

禹益垂共工實水家上匠作機器豈為商貨輸左伯忠髦船

政謬可嗟將令夏變夷好勇乘浮槎盡羿旋殺羿學巧焉得踰

毛公熙祖稍錚錚策士詢河渠同治十年會試舉人策問章則通

鐵路效梁請一車蓋梁孝王請車一鐵路直督李頗欲修焉宮彼哉

不知本非墨還非儒儒術迂已絀羣言淆已蕪宿遷覽荒城

近代詩鈔 王闔運 十五



清宵鳴夜鴉旌節爛袁浦邂逅陪秋蒐十年余南還於北至家徐

霜登項羽臺鼓吹響晴洲追惟共艱屨始復歡唱酬尊前承善

謔竊願比好仇曾鎮道公宴優之人說王成小豐中欲說此必中始說耳

王小二者被答籬不開口會昔與左書引此樓豈能如君言振

衣登北固還船入大孤南浦水猶碧華年鬢獨梳聞君渡五領

歲暮吟歸與桂水望佳客省中攜少姝西鄧時攜妾客廣初辭校

書職旋避參軍除及鄧在長沙分撰通志文用既云寡修塗亦已

紆還歸忽不樂送郡多擲揄長沙舊游地懷舊空時踖矜夸

冠蓋盛恐懼山川枯昔吾從先進儉嗇仍瞿瞿尚書著釘履贊

善囊朝珠中湖南士大夫鄉居自咸豐軍興乃有仕宦之習道光

宴輒以布賓筵設空俎春盤登四孟雙鄉之禮為十內皆有一喜慶則

匙既上客主之分匙也其盃遂空用以足數不復撤去曾國荃嘗論

門入謁無問識不識輒款留設酒肉中周歷始徧焉其後留客

好游者於五十里以內往往至二月中四盤而止數日無厭倦

得必食者多矣不鄉黨忘貴賤士農安名疇君婚族饒富少玉矜簪

裾鄧妻族父唐后玉時號以加於年世家始此也廚有鱸鮭菜

門停問府州唐嘗於正月是七日設吏不輕詣在籍官士唐好交

結然多候侯鯖始萬氏人萬設酒肆為怡園乃有萬錢肴一食者籠

燈出趙家始出豐中黃冕授吉安知府見巡撫用羊一燈自後

趙家坪同治初趙家坪之黃籍甚於丞丞向二紀里巷並囂譁

學徒雜兵子卿將賣鹽茶軍興各充鹽票又商士官民始雜矣陸

納無酒脯謝客反林巢避諠兼避地俱言狎漁樵嚴冬役車

息祀竈春餈人夫忽塞門倒屣提巾禱且傾饋歲酒徐話契

闊由披圖感桃燕余有桃花燕之設此圖自後歲以薦亡友連

句歡梅飴君懷悵忽忽余情更條條緬惟朋交盛求友歌嚶



喬往者日以新今來日以凋名姓漸沈暗新舊多喪殂茲我若不述一墮如牛毛況逢親政初方略進宸霄西陲亦已寧伊犁

望旅爨甘肅內地底定軍出嘉陝桑既成陰陝西布政使茶陵

罷園工十刻跪青蒲林表箴富平魚服戒余且東朝抵冒絮武

帳被珠襦至直房惜不能起明日太后御弘德殿跪對至十刻及

懼非盛養意陛栝不相踰所貴嚴四輔宏綱略不苛參泰非大

德政舉在黎儀且如寇亂初貧弱信虛朽錢漕十無一征繕衆

愁騷司農但坐嘯客帥車佻佻欽差大臣唯向榮屯江揚及僧

格林沁主游擊者有足餉自餘賢則見忌庸則見輕故多敗績

云吾飽語為客之苦又云欽臣賢則見忌庸則見輕故多敗績

無益也泊乎閩外尊胡忠李章遂雄鷺唯聞軍中富未奪農耘

秣川鹽滯淮綱吳楚請借銷國彊信由人患貧枉曉曉祥公秉

鈞軸所諫何杪漂即今西域賈互市非侵鈔制之一魁吏遠貢

可坐招矜張海防禁破決成癰瘤愚儒與國議誤誤還相樛秦

衰始法密周末患文稠晚尋道家旨烹鱻試漑鍋三獻幸未別

褰裳尋薜蘿君家隔邵陵近歲長松柯令弟懶不仕翎枝拂

青荷時開冬醪飲醉惜年蹉跎默數二紀來憂樂互舛差邦君

訪南漪南漪余與二鄧晚步之地在武岡城南資水昔夢已遽

遽且宜醉公子鄧余挽假居常有云莊大梁者尙想夷門也還歸報臨

溜琴酒可延年道德可應時三人必有師所見盡著龜余歌勸

君飲陶然入無涯君飲醉不謬余歌醒獨宜近追何曾唱豐咸

有八年何栝作除夕文正極賞之遠續壬子詞燈明雪壓屋酒

煖春生卮蜜橘那可致饌往又為別貯會供三南豐蜜橘一斗為余夜

江梅相對垂鄧弟招余至武岡書云小園梅四李樂平紅綠相今

近代詩鈔 王闔運 十七



梅詩李云江邊

第一樹

偏弦豈無感彈之智者悲側聞離騷義尙  
恨莫我知余風肆且碩爲君詒世規

擬焦仲卿詩一首李青照妻墓下作

并序

嘉慶十一年冬十有一月晦日湖北傭人李青照妻爲  
主逼逃復遇彊暴攜子赴湘而死夫亦自經經墓讀碑

作詩云爾

雙鳧不能飛十步兩連翩張氏有好女辭家來李門頭上青絲  
髮纖纖兩頭盤約略蛾子眉參差掠鬢鬢雙耳若連璧荷葉承  
珠環紅白左右壓不用粉與朱斜肩若坐玉回腰帶輕襦素手  
出廣褻青繡緣領裙單繡蹙金線雙繡雲中藻行纏約春羅二  
寸稍有餘瑣細作微步盈盈若波流不言共知美誰能不稱姝  
妾是貧家婦家貧無華妝脫我嫁時衣著我青練裳上機織縑

素中廚治羹湯里鄰謂新婦新婦固不同東家言姣好西家言  
賢良朝烹穀作糜夕持絮作衣無衣常苦寒無穀常苦飢朝持  
絮作衣夕采葵爲羹無衣猶可寒無食難可生我有纖纖手可  
以紆縫組東鄰貴家女十指不拈線持我手中巧作我家中飯  
昨日主君還全家事游宦便可與君行莫令此事散雞鳴外欲  
曙夫婦嚴裝辦還歸辭父母出門別親黨今當雲南去雲南天  
一方主君作高官不與州縣同峨冠青金石雲雁繡當胸高檣  
曳長旗圓繖兩檐紅船頭鳴雙鉦從岸到江中隨人四五十行  
作鳧雁翔引婦入拜見主君大歎美平生實未見舉止自生光  
舟中何所爲且暮無期程低頭向江水道路迴且長朝辭金口  
去莫至赤壁山不聞鄰人語但聽鼓吹喧莫發石頭驛早至洞  
庭湖不聞夫婿言但聽主君呼主君呼婦前寧可相順從珊瑚



爲卿枕璫瑁爲君牀婦謝主君言賤妾甘困窮況乃事夫久大  
義不再更主君大拊掌真復違我旨汝是貧賤人復言何道理  
昨日爲人奴今日在官傍何不早作計汝何不自量我有金耳  
釵赤玉如意簪玲瓏翠戒指手釧珍珠嵌百褶金繡裙四合杭  
絲衫婢妾六七十不得挂眼角吾今但告汝此事非大錯斑鳩  
共成對不能愛孤鸞妾是愚賤婦不堪賢主君私語向夫壻轉  
身自摧藏與君早作計昨日主君語茲事不可長行行十餘日  
遠望長沙城鐵鑿下中流云須數日停江湘南北間回首自悽  
皇及茲背同伴形勢已蒼黃空川復昏暗月黑夜未央偕行出  
忽忽遺橐囊謂卿暫待此吾當復暫往蛩蛩一分棧奔走  
不成行夜鴉啞啞唬嚴霜墮道旁船上燈燭光岸上行人多風  
寒天欲明旁皇將奈何莫爲異鄉婦舉首迷東西觀者不轉眼

問者來相欺雞鳴五更盡是時其夫來不知期何所心怯形復  
癡偃偃至明發各各成驚疑城中無賴兒三五生崎嶇詭言得  
夫壻象掃作要期給婦更渡湘四人於小舟謂婦汝無然孤身  
欲何爲潛行苦多畏聞此心膽壯激我義烈情吐我心鬱快長  
號唬向天嗌哽涕盈眶舉首謝夫壻相見待泉壤昔年爲君婦  
膏沐有容光脫我嫁時衣著我青布裳入門無衣食出門別親  
鄰悠悠生死別初意實未防妾事今當死妾死君獨生死者不  
可再生者壽命長懷中一尺兒抱頸相向唬不得從君去但可  
隨妾旁舟邊一尺波烈婦命長終是日大風雨青天爲不陽青  
照得聞此沈痛迫肝腸鳴冤赴縣門願早治好凶縣令何多材  
車馬如趨風三八爲良日盈盈公府中伺候長官意例不問詞  
訟餘官十餘員云在發審廳首縣請剩員幫審挂虛名民命小



小事況乃異鄉客誰能聽其詳微賤無所爲裴回出城東還歸  
道路長無家內煎烹黃泉有良會母子相追從俚人初定悽  
悽鬼相迎吞聲顧樹下自挂南枝南縣令聞此事忸怩無容顏  
使君聞此事赧耳不能言長官聞此事將須共言難平生丁明  
府今日見此冤還歸坐堂上朱籤出縣門但捉岸上兒不上使  
君船煌煌大清律首從並梟竿父老聞此事歎昔告家人昔爲  
役人婦今得禮部旌城中羨其風城外造其塋仰瞻天心閣合  
葬醴陵門南城秋草長墓上還芊芊子規過之嘯血下何淺淺  
生是連枝木死是雙飛禽雙禽將一雛似欲言其冤童子爲之  
歌婦女無歡顏悠悠四十載石上字已湮綱紀貴賤人彷彿垂  
斯篇

晚行湘水作二首

晚風吹流波奔影不可尋連岡無斷容重雲發歸心佇瞻穹窿  
低坐覺夜氣陰鳴鉦駐客棹遠燈熹欲沈喧聞衆籟雜靜會江  
底深冥情結真契秋宵信長吟微詞託尊酒對影且同斟  
山水但一氣曠望成瀾茫亂蛩答岑寂四野垂寒光天風時橫  
過濤聲送浪浪秋氣本寥亮助之羣動鳴夜深轉激烈滿舫生  
孤涼不敢久佇立寒露侵我裳驚心感節候拊枕獨旁皇

從南嶽廟至吸雲菴顧下而作

天根蟠軫墟坤紀重炎服鴻濛凝朱光高深閱靈族雲觀合冥  
杏下視但蒼綠渾淪自太古羣會始盤伏風危巖益高日夕氣  
相逐抗手下方人長嘯厲清肅

晚登南天門宿上封寺

清肅閉幽宮噴薄尋雲根沈沈大地迴黪黪潛陽奔風雨斷兩



道晴陰割空痕高天盡內外穹宇先明昏陵鳥勢不上積草古  
未蕃投崖息冥搜豁然超我魂

祝融峰

萬緯朝日宮朱明聚純陽天地通淳曜炎炎見南衡元樞仰皇  
德真宰填交荒日月動左右遠近無異光恭聞中天禮舜狩絕  
百王登封造巍巍始識聖道昌

朱陵洞瀑

衆青不斷色遠響驚清秋朱陵闢孤巖飛瀑束奔流素湍照白  
日元澗映愈幽青天靜無聲翠壁動寒湫空雨光破碎真源洞  
冥搜宛宛雌蜺蜷荒荒烈飈休

詠古贈今人四首

詠沈炯贈孫麟距

窮老孤客又值喪亂

慟哭登高臺千里來遠風干戈迫老病寥落傷心容故鄉阻歸  
期誰能守固窮空留千載名感慕一世雄

詠鄧攸贈陳景雍

境逢棘屨故年始壯盛已有無子之嗟

畸人值窮數淡泊向江漢微官累家室哀時迫離散無兒豈由  
天有身已云誕獨抱世俗悲永貽行人歎

詠竇滔贈李仁元

佳妃重情頗能不形其過抑實無慚解人爾

滔也清妙才酬唱對佳儷陽臺豈予美高情邈難致故劍苟不  
敦文錦亦虛寄同心懷佳人悠悠始相對

詠陸雲贈鄧繹

近代詩鈔

王闔運

二十一



雖無入洛之嗟而兄弟久別

士龍厭京洛擊楫渡江水名起卿相間無心偶餘子兄弟一朝別亂離從此始文章非軍謀焚筆奚足悔

行六十里阻雪泊舟再寄孫丈

丈人當代才得名四十年賤子方弱冠邂逅能隨肩賓客滿四坐頗獨稱予賢高情薄流俗甚愧所愛偏去年別南浦春鴻遂孤鶩振羽南山網還止東湖邊聞君復來止倒屣徐亭前跪拜未及興問我多苦言初問堂上安終問食與眠藹然周親意淒惻別後顏中坐復大笑仰視高旻天北風動平地異國將殘年良晤苦日短塗遠歲又寒揮手彭蠡湖獨泛王子船君歌贈別詞悽聲動琴弦長歌復短歌鄭重非一篇憶昨官舍居綠萼映娛園上客曳珠履華燭照貂冠君也徒步來破笠雪盈肩徐徐

發高詠嫋嫋騁餘妍羣賢盡斂手四坐神儼然以此感我癡魂魄爲翩遷春霰寒夜深羽翼悵盤旋非無飛鴻術嚴風苦侵腴荒雞墮江聲曉氣壓當前茲時君客游孤坐亦扣舷窮老不得歸萬里送衰年吞聲噉殘杯瘦骨映寒氈况聞武昌城膏血汚晴川恐懼戎馬來奔迫聚散端悲吟亦何爲儒生無尺權歸期儻同諧對雪望林泉長謠寄區區愧彼瓊瑤圓

寄題吳先生敏樹北莊詩

閒居異沈隱夷險各有造卜築不期遠自得湖山奧竭來孫塢行窈窕巴陵囿望廬識所欽果對靜者貌夜軒星河清尊酒初月曜微言續禮樂好學豈云旄向生識損益孝若昌典誥婚嫁願易終兄弟念所勞道貧兩無息出處各不繞紅顏倚玉杖素琴送金爵倦客慕林藪壯氣論海嶠麥秀復再蘄凱風棘仍搖



從游不可期深入亦獨到近聽承口鼓永罷淑中權奉英挹石  
泉所願日幽窅何以贈明德千里匪孤蹈

圓明園詞

并序

圓明園在京城西出平則門三十里暢春園北一里許  
世宗皇帝藩邸賜園也聖祖常游豫西郊次於丹棱泚  
樂其川原因明武清侯李偉清華園舊址築暢春園藩  
邸賜園故在其傍雍正三年乃大宮殿朝署之規以避  
暑聽政前臨西山環以西湖湖水發原玉泉山曰礬山  
度宮牆東流入清河水經注所謂薊縣西湖綠水澄淡  
燕之舊池者也東流爲洗馬溝東南合高粱之水故魚  
稻饒衍陂泉交綺高宗皇帝嗣位海宇殷闡八方無事  
每歲締構專飾園居大駕南巡流覽湖山風景之勝圖

畫以歸若海寧安瀾園江寧瞻園錢唐小有天園吳縣  
師子林皆仿其制增置園中列景四十以四字題扁者  
爲一勝區一區之內齋館無數復東拓長春西闢清漪  
離宮別館月榭風亭屬之西山所費不計億萬園地多  
明權璫別業或傳崇禎末諸奄皆以珍寶窟宅於茲乾  
隆間濬池發金銀數百萬每歲夏幸園中冬初還宮內  
廷大臣賜第相望文武侍從並直園林入直奏對昕夕  
往來絡繹道路歷雍乾嘉道百餘年於茲矣文宗初粵  
寇踞金陵盜賊蠡起上初卽位求直言得勝保曾國藩  
袁甲三三臣旣以塞程徐陸先朝重望相繼傾覆始擢  
用前言事者各界重任三臣支柱賊不犯畿然迭勝迭  
敗東南數省蹂躪無完土上憫蒼生之顛沛慨左右之



無人九年冬郊宿於齋宮夜分痛哭侍臣悽惻大考翰  
詹以宣室前席發題憂心焦思傷於禍亂然後稍自抑  
解寄於文酒以宮中行止有節尤喜園居冬至入宮初  
正卽出時園中傳有四春之寵皆漢女分居亭館所謂  
杏花春武陵春牡丹春海棠春者也然上明於料兵委  
權榷外超次用人海內稱哲而部院諸臣無所磨厲頗  
襲舊敝晚得肅順敢言自任故委以謀議先是道光二  
十年英吉黎夷船至廣東香港求通商不得又以燒煙  
起釁執政議和予海關稅銀千八百萬英夷請立約廣  
督耆英與期十年屆期而徐廣縉督兩廣夷使至廣州  
拒不許入以受封爵夷酋恨焉志入廣州咸豐元年英  
吉黎佛郎西米利堅各國乘粵寇鴟張中國多故復以

輪舶直入大沽口台王僧格林沁託團練之名焚其二  
船盡擊走之夷人知大皇帝無意於戰特臣民之私憤  
乃潛至海岸買馬數千募羣盜爲軍半年而成再犯天  
津稱西洋馬隊聞者恐栗夷馬步登岸我未陳而敵騎  
長驅矣十年六月十六日上方園居聞夷騎至通州倉  
卒率后嬪幸熱河道路初無供帳途出密雲御食豆乳  
麥粥而已十七日英夷帥叩東便門或有閉城者聞礮  
而開王公請和和議將定十九日夷人至圓明園宮門  
管園大臣文豐當門說止之夷兵已去文都統知奸民  
當起環問守衛禁兵一無在者索馬還內投福海死奸  
人乘時縱火入宮劫掠夷人從之各園皆火三晝夜不  
熄非獨我無官守詰問夷帥亦不能知也初英夷使臣



巴夏里已拘刑部和議成以禮釋囚於是巴夏里與夷帥各陳兵仗至禮部訂約五十七條予以海關稅銀三千六百萬而夷人抵償圓明園銀二十萬十一年七月文宗晏駕熱河今上卽位奉兩宮皇太后還京垂簾十載巨寇削平而夷人通商江海往來貿易設通商大臣以接夷使然常言某省士民燬天主教堂某省不行其教某省民教構釁日以難我應之不暇蓋岌岌乎華夷雜處又忽忽十有一年園居荒虛鞠爲茂草西山大寺夷婦深居予旅京師惻然不敢過也同治十年春同年壬戌重至輦下追話舊游張子雨珊亦以計偕來約訪故宮因駐守參將廖承恩許爲道主四月十日命僕馬同過繡漪橋尋清漪園遺跡頽垣斷瓦零亂榛蕪

宮樹蒼蒼水鳴嗚咽由輦路登廓如亭南望萬壽山但見牧童樵子往來林莽間暮從昆明湖歸橋上銅犀臥荆棘中犀背御銘朗然可誦明日訪守園者得董監自言年七十餘自道光初入侍園中今秩五品居福園門旁導予等從瓦礫中循出入賢良門而北指勤政光明壽山太和四殿遺址至前湖圓明寢殿五楹後爲奉三無私殿九州清晏殿各七楹壞壁猶立拾級可尋董監言東爲天地一家春后居也西爲樂安和諸妃嬪貴人居也洞天深處皇子居也清輝殿爲文宗重建與五福堂鏤月開雲臺朗吟閣皆不可復識鏤月開雲者卽所謂牡丹春也世宗爲皇子當花時迎聖祖至賜園而高宗年十二以皇孫召侍左右三天子福壽冠前古集於



一堂高宗後製詩常誇樂之經其廢基裴回怒焉東渡  
湖爲蘇隄長春仙館藻園又北爲月地雲居舍衛城日  
天琳宇水木明瑟濂溪樂處僅約略指視所在東北至  
香雪廊階前葦荻蕭蕭廢池可辨復渡橋循福海西行  
爲平湖秋月水光溶溶一瀉千頃望蓬島瑤臺島上殿  
宇猶存數楹惜無方舟不達其下流水潺湲激石成響  
董監示予此管園大臣文公死所也西北至雙鶴齋又  
西過規月橋登綺吟堂經采芝徑折而東仍出雙鶴齋  
園中殘燬幾遍獨存此爲劫灰之餘亂草侵階窗櫺宛  
在尤動人禾黍悲爾雙鶴齋西爲溪月松風翠柏蒼藤  
沿流覆道斜日在林有老宮人驅羊豕下來東過碧桐  
書院地跨池東爲金鼇西爲玉竦坊楔猶存又東去皆

敗壞難尋遂不復往莫色沈沈棲鳥亂飛揖董監出福  
園門還於廖宅廖澧州人字楓亭少從塞尙阿僧格林  
沁軍亦能言行閒事感予來游頗盡賓主之歡既夕言  
歸則禮部放榜日也雨珊旣落第南去余與壬父每相  
過從言念園游輒网网不自得壬父又曰園之盛時純  
皇勒記必殷殷踵事之戒然仁宗始罷南幸宣宗尤憂  
國貧秋獮之禮輟而不舉惟夫張弛之道宜及嘉道時  
補純皇倦勤之功而內外大臣惟務慎節監司寬厚牧  
令昏庸諱盜容奸以爲安靜八卦妖徒連兵十載無生  
天主教目滋繇由游民輕法刑廢不用故也江淮行宮  
旣皆斥賣國之所患豈在乏財又曰燕地經安史戎馬  
之迹爰及遼金近沙漠之風矣明太宗以燕王舊居不



務改宅仍而至今地利竭矣又園居單外非所以駐萬  
乘廢而不居蓋亦時宜余曰然前年御史德泰請按戶  
畝鱗次捐輸復修園宮大臣以侈端將啓請旨切責謫  
戍未行忿悔自死自此莫敢言園居者而比年備辦大  
昏費已千萬結彩宮門至十餘萬公奏朝廷動用錢糧  
婚以成禮豈在華飾若前明戶部司官得以諫爭予且  
建言矣又余聞慈安太后在文宗時有脫簪之諫關雎  
車輦之賢中興之由也又園宮未焚前一歲妖言傳上  
坐寢殿見白須老翁自稱園神請辭而去上夢中加神  
二品階明日至祠諭祠之未一稊而園毀豈前定歟子  
能詩者達於政事曷以風人之意備繇霜雲漢之采於  
是壬父爲圓明園詞一篇而周學士潘侍郎見之並歎

其傷心感人筆墨通於情性余以此詩可傳後來慮夫  
代遠年逝傳聞失實詞中所述罔有徵者乃爲文以序  
之同治十年立秋日長沙徐樹鈞撰

宜春苑中螢火飛建章長樂柳十圍離宮從來奉游豫皇居那  
復在郊圻舊池澄綠流燕薊洗馬高梁游牧地北藩本鎮故元  
都西山自擁輿王氣九衢塵起暗連天辰極星移北斗邊溝洫  
填淤成斥鹵宮廷暎帶覲泉原渟泓稍見丹棱泝陂陀先起暢  
春園暢春風光秀南苑蜺旌鳳蓋長游宴地靈不惜巵山湖天  
題更翺圓明殿圓明始賜在潛龍因回邸第作郊宮十八籬門  
隨曲澗七楹正殿倚喬松軒堂四十皆依水山石參差盡亞風  
甘泉避暑因留蹕長楊扈從且弋弓純皇纘業當全盛江海無  
波待游幸行所留連賞四園畫師寫放開雙境誰道江南風景



佳移天縮地在君懷當時只擬成靈囿小費何曾數露臺殷勤  
毋佚箴驕念豈意元皇失恭儉秋獮俄聞罷木蘭妖氛暗已轉  
離坎吏治陵遲民困痛長鯨跋浪海波枯始驚計吏憂財賦欲  
賣行宮助轉輸沈吟五十年前事厝火薪邊然已至揭竿敢欲  
犯阿房探丸早見誅文吏此時先帝見憂危詔選三臣出視師  
宣室無人侍前席郊壇有恨哭遺黎年年輦路看春草處處傷  
心對花鳥玉女投壺強笑歌金杯擲酒連昏曉四時景物愛郊  
居玄冬入內望春初嫋嫋四春隨鳳輦沈沈五夜遞銅魚內裝  
頗學崔家髻諷諫頻除姜后珥玉路旋悲車轂鳴金鸞莫問殘  
鐙事鼎湖弓劍恨空還郊壘風煙一炬間玉泉悲咽昆明塞惟  
有銅犀守荆棘青芝岫裏狐夜嘯繡漪橋下魚空泣何人老監  
福園門曾綴朝班奉至尊昔日喧闐厭朝貴於今寂寞喜游人

游人朝貴殊喧寂偶來無復金閨客賢良門閉有殘甎光明殿  
燬尋積壁文宗新構清輝堂爲近前湖納曉光妖夢林神辭二  
品佛城舍衛散諸方湖中蒲稗依依長階前蒿艾蕭蕭響枯樹  
重抽盜作薪游鱗暫躍驚逢網別有開雲鏤月臺太平三聖昔  
同來寧知亂竹侵落落不見春風泣露開平湖西去軒亭在題  
壁銀鉤連到籬金梯步步度蓮花綠窗處處留羸黛當時倉卒  
動鈴駝守宮上直餘嬪娥蘆笳短吹隨秋月豆粥長飢望熱河  
上東門開胡雛過正有王公班道左敵兵未熟雍門荻牧童已  
見驪山火應憐蓬島一孤臣欲持高絜比靈均丞相避兵生取  
節徒人拒寇死當門卽今福海宛如海誰信神州尙有神百年  
成毀何匆促四海荒殘如在目丹城紫禁猶可歸豈聞江燕巢  
林木廢宇傾基君好看艱危始識中興難已懲御史言修復休



遣中官織錦紈錦紈枉竭江南賦鴛文龍爪新還故總饒結彩  
大宮門何如舊日西湖路西湖地薄比郇瑕武清暫住已傾家  
惟應魚稻資民利莫教鶯柳鬥宮花詞臣詎解論都賦挽輅難  
移幸雒車相如徒有上林頌不遇良時空自嗟

發祁門雜詩二十二首寄曾總督國藩兼呈同行諸君子  
已作三年客愁登萬里臺異鄉驚落葉斜日過空槐霧溼旌旗  
斂煙昏鼓吹開獨慚攜短劍真爲看山來

嵐樹晚蒼蒼千家閉夕陽雲低一水白山占半城荒負米看貧  
婦歸樵趁野航亂離憑節制稍喜見秋糧

羣盜縱橫日長沙子弟兵但能通大義不廢用書生地盡耕耘  
力人驚壁壘精後來司馬法應見寓農情

舊部多專閫新除始建旗祇慙臣力盡敢恨主恩遲白髮人將

老青雲驥不疑平生推獎分寂寞報深知

拙速元非計全兵寇亦能不成援北固終擬棄南陵病馬三秋  
雨嘯烏永夜燈賢豪盡無命天意恐難憑

寇騎憑涇縣潛軍度績溪蒼黃十營敗風雨萬家嘯事後論形  
勝愁來厭鼓聲新安聽暖處惟見月淒淒

城郭背飛旌思歸正獨行入舟成避地失路豈逃名孤客十年  
事寒溪一夜聲康山僧白首應不笑無成

內府波文襲先朝雨過杯當時盛文物餘制見尊壘近權青山  
稅長燒白骨灰乾隆老工在猶望御窰開

蜃氣浮三島龍旂擁萬乘妖星逼南斗秋雨謁西陵石馬無靈  
骨銅駝有中興餘生多涕淚霑灑望觚稜

慟哭勤王詔其如社稷何至今憂國少真悔養官多四海空傳



檄書生豈荷戈蕭蕭易水上立馬望山河  
拒虎誠無策飢鷹且未馴如何載彤矢翻擬賜黃巾西望咸秦  
險東依晉鄭親從龍卅八族今日竟何人  
上將仍黃戍徵兵走絳旛憂危廷議息予奪聖心存國體無新  
進軍功惜舊恩嫖姚真智略史筆願詳論  
財賦歸吳蜀荆榛復幾年冥冥王土窄擾擾客兵縣白馬閭門  
練黃牛巫峽船惟留尺寸地豪傑望旌旃  
巡撫聲名久籌邊日夜勞應防呂蒙櫓莫畏阿童刀盜賊敲除  
易荆襄控馭高時危根本重悽惻步江皋  
寂寂重陽菊飄飄異國蓬孤吟人事外殘夢水聲中書卷千年  
在親知四海空莫嫌村酒濁醒醉與君同  
惜別臨秋水殘霞映客衣雖爲千里送終是一人歸天地豺狼

滿東西燕雁飛明知故鄉樂無命采芝薇

有客歸湘上荒村正晚秋轉因無盜賊祇是苦誅求不謂東征  
餉終爲父老憂誰能同卜式破產覓封侯

亂後山仍在舟行客自如推篷驚宿鳥燒桂煮溪魚人語嵐光  
外漁燈暮色餘軍書三日斷已似武陵居

向晚彭蠡渡無人見夙心幽明一爲別波浪至今深冷月來孤  
照秋蟲坐苦吟二忠祠萬古揮淚不重尋

平波千頃秋吟望水天浮隔浦帆如馬扁舟夜傍鷗昏昏雲拍  
岸慘慘霧蒸流獨羨隨陽雁年年萬里游

舊業傳陳李新知夢尹劉茫茫泉路短惻惻上京秋一水遙聞  
戰千山暝隔愁乾坤飄泊盡風雨送孤游

道在身將老名輕願不刊浮生信舟楫高詠滿江山王粲從軍



去陶潛解印還文章吾後汝流轉愧兵閒

齊河道中雪行偶作二首

甲子歲從番禺還未踰月江寧初復因訪曾侯便循揚  
淮北游清苑將有從宦之志十一月至齊河瀕渡會夜  
冰合船膠還宿草舍大雪五尺人馬瑟縮方坐轅吟嘯  
傲然自喜其耐寒暑也俄而悟焉夫以有用之身涉無  
盡之境勞形役物達士所嗤迺自矜誇誠爲謬矣適遇  
南使埶家書因題示意

六月炎州火作山冬來河朔雪盈鞍冰天熱海閒經過未覺人  
間萬事難

六花偏傍錦裘飛濕盡重襟火力微湘綺樓中他夜雪好將鴛  
瓦當油衣



